

# MIND THE GAP!

## SETSWANA PUO YA GAE

Kaedi ya go lthuta Dikwalo ya Mind the Gap  
**Ntlhomole Mmutlwa**

O.M Lobeló



Kaedi ya go lthuta Dikwalo ya Mind the Gap

***Ntlhomole Mmutlwa***

**O.M Lobelo**

**Mophato**

Setswana Puo ya Gae (HL)

Kaedi ya go lthuta Dikwalo ya Mind the Gap- Ntlhomole Mmutlwa-Poetry-

**ISBN 978-1-4315-3389-3**



This content may not be sold or used for commercial purposes.

Curriculum and Assessment Policy Statement (CAPS) Grade 12 Setswana Home Language  
Mind the Gap study guide for the novel: *Ntlomole Mmutlwa* by OM Lobelo.

This publication has a Creative Commons Attribution Noncommercial Sharealike Licence. You can use, modify, upload, download, and share content, but you must acknowledge the Department of Basic Education, the authors and contributors. If you make any changes to the content you must send the changes to the Department of Basic Education. This content may not be sold or used for commercial purposes. For more information about the terms of the license please see: <http://creativecommons.org/licenses/by-nc-sa/3.0/>.

Copyright © Department of Basic Education  
2019 222 Struben Street, Pretoria,  
South Africa  
Contact person: Ms C. Weston  
Email: [Weston.C@dbe.gov.za](mailto:Weston.C@dbe.gov.za)  
Tel: (012) 357 4183  
<http://www.education.gov.za>  
Call Centre: 0800202933

## Acknowledgements

The extracts from the novel in this study guide are from *Ntlomole Mmutlwa* by OM Lobelo.

### Mind the Gap Team

Senior Project Leaders: Dr S. Malapile, Ms C Weston

Production co-ordinators:

B. Monyaki, B. Ras, M. Phonela, M. Nematangari

Authors: P Lekome, K. Khaba, T. Mokgetle, EM Mokhine, PC Mooa, M. Maditsi

Designer: Page82 Media

Onsite writers' workshop support:

J. Mphidi, V. Magelegheda, P. Hlabiwa, R. Maboye, N. Malope

# Ministerial Foreword

The Department of Basic Education remains steadfastly committed to innovative strategies aimed at enhancing learner attainment. Consistent with the government's commitment in promoting the indigenous languages that form the tapestry of our democratic landscape, this Mind the Gap Self study guide is a concrete demonstration of this commitment.

The release of this self-study guide incorporates all the official African Home Languages focusing on the novel genre at this stage. Not only does the study guide incorporate the African languages, but it also incorporates South African Sign Language Home Language, Afrikaans Home Language and English First Additional Language.

The Mind the Gap Literature Self Study Guide is responding to the broader sectoral reading challenges that the country is experiencing. It seeks to strengthen the following strands of the National Reading Sector Plan: Teacher Development and Support; Direct Learner Support; and Provisioning and Utilisation of the Learning and Teaching Support Materials. Its interactive nature will make it easier for both teachers and learners to read, to learn or study. It is hoped that through this Study Guide, the reading and learning outcomes will be achieved.

Key terminologies are explained or illustrated in a simplified manner and examples of the types of questions as a learner you may expect to be asked in an examination, are included in this study guide. In order to build your understanding, specific questions and possible responses forms part of the study guide package.

The study guide is designed to appeal to any learner offering Grade 12, whether as a part-time or a full-time candidate. Educators in the field will also find it an invaluable resource in their practice.

Every learner is a national asset, all you need now is to put in the hours required to prepare for the examinations and excel!  
We wish each and every one of you good luck and success.



**MRS AM MOTSHEKGA, MP**  
**MINISTER**  
**DATE: 14 NOVEMBER 2019**



Matsie Angelina Motshekga, MP  
Minister of Basic Education

<b>DITENG</b>	<b>TSEBE</b>
<b>KGAOLO YA NTLHA</b>	
<b>MATSENO</b>	
Morutwana wa Mophato wa 12 yo o rategang	<b>4</b>
O ka dirisa Kaedi e jang?	<b>4</b>
Maele a a botlhokwa a go ithuta	<b>5</b>
Ka letsatsi la tlhatlhobo	<b>6</b>
Thadiso ya tlhatlhobo ya dikwalo: Setswana Puo ya Gae, Pampiri ya 2:	<b>7</b>
Ke eng se batlhatlhobi ba se solofetsweng?	<b>8</b>
Mafoko a a dirisiwang go botsa dipotso	<b>9</b>
<b>THADISO</b>	
1. Matseno	
2. Mokwadi	
3. Lemorago	
4. Setlhogo sa Padi	
5. Kgang e anelwa jang?	
6. Diponagalo tsa Padi	

KGAOLO YA BOBEDI	
DIKGAOLO TSOTLHE TSA PADI YA <i>NTLHOMOLE</i> <i>MMUTLWA</i>	
Matseno	
Dikgaolo tsa 1 le 2	
Dikgaolo tsa 3, 4, 5, 6 le 7	
Dikao tsa dipotso tsa tlhamo	
Dikaedi tsa go tshwaya dipotso tsa ditlhamo	




## Morutwana wa Mophato wa 12

Morutwana wa Mophato wa Marematlou, Dumela. Nte re go tataise. Re dumelele re go tlhabe podi matseba mabapi le padi ya rona e e fa isong, Ntlhomole Mmutlwa. Itse gore ka dinako dingwe mo botshelong fa o rakana le dikgwetlho le mathata, o tlhoka go neelwa thuso kgotsa gona go tlhomolwa mmutlwa o o go utlwisang botlhoko. O tlaa itemogela gore moanelwamogolo Matsetseleko mo pading e, le ena o tlhoka go tlhomolwa mmutlwa.

Kaedi e ya **Mind the Gap** e tlaa go thusa go ipaakanyetsa tlhatlhobo ya bofelo jwa ngwaga ya padi ya *Ntlhomole Mmutlwa*, Setswana Puo Ya Gae (HL).

### O KA DIRISA JANG KAEDI E YA GO ITHUTA

- Mo tshimologong ya kaedi e, o tlaa bona tshedimosetso ka mokwadi le ditiragalo tsa sešweng tse di mo tlhotlheleditseng go kwala. Go na le thadiso ka mokgwa o ditiragalo di tlhagisitsweng ka ona.
- Go na le ditirwana mmogo le dikarabo tse di tlaa go thusang go ipaakanyetsa tlhatlhobo.

	<b>Tlhokomela se!</b>
	<b>Ditirwana le dikarabo tsa tsona.</b>
	<b>Dikao tse di tlhagisitsweng le mokgwa wa go araba dipotso.</b>

## THADISO YA TLHATHOBO YA DIKWALO: SETSWANA PUO YA GAE, PAMPIRI YA 2:

Mo pampiring ya 2, e leng e e tlhatlhobang dikwalo, o tshwanetse go araba dipotso go tswa mo dikarolong di le THARO, tsona ke:

KAROLO YA A:	Poko (30)
KAROLO YA B:	Padi/Ditlhangwa tsa setso (25)
KAROLO YA C:	Terama (25)

Pampiri e, e na le maduo a le 80.  
E kwalwa mo diureng di le pedi le halofo (2.5).

Araba dipotso di le TLHANO: Di le THARO mo KAROLONG YA A, e le NNGWE mo KAROLONG YA B le e le NNGWE mo KAROLONG YA C ka mokgwa o o latelang:

Araba FELA dipotso tsa padi le terama tse o di ithutileng.

Araba potso e le NNGWE ya TLHAMO le e le NNGWE ya DIPOTSO TSE DIKHUTSHWANE. Fa o araba potso ya tlhamo mo KAROLONG YA B, o tshwanetse go araba dipotso tse dikhutshwane mo KAROLONG YA C. Fa o arabile dipotso tse dikhutshwane mo KAROLONG YA B, o tshwanetse go araba potso ya tlhamo mo KAROLONG YA C.

### **KAROLO YA A: POKO**

MABOKO A A TLHAOTSWENG – Araba dipotso di le PEDI.  
LEBOKO LE LE SA TLHAOLWANG – Araba potso e. le nngwe.

### **KAROLO YA B: PADI/DITLHANGWA TSA SETSO**

Araba potso e le NNGWE.

### **KAROLO YA C: TERAMA**

Araba potso e le NNGWE.

<b>PALO YA POTSO</b>	<b>MOFUTA WA POTSO</b>	<b>MADUO</b>
1. 'Tlhaolele'	Potso ya tlhamo	10
2. 'Nelson Mandela'	Dipotso tse dikhutshwane	10
3. 'Sego sa Metsi'	Dipotso tse dikhutshwane	10
4. 'Lerebana wa letlaleanya'	Dipotso tse dikhutshwane	10
5. 'Boferefere jwa toro'	Dipotso tse dikhutshwane	10
6. <i>Leba Seipone</i>	Potso ya tlhamo	25



7. <i>Leba Seipone</i>	Dipotso tse dikhutshwane	25
8. <i>Omphile Umphi Modise</i>	Potso ya tlhamo	25
9. <i>Omphile Umphi Modise</i>	Dipotso tse dikhutshwane	25
10. <i>Masego</i>	Potso ya tlhamo	25
11. <i>Masego</i>	Dipotso tse dikhutshwane	25
12. Ntlhomole Mmutlwa	Potso ya tlhamo	25
13. Ntlhomole Mmutlwa	Dipotso tse dikhutshwane	25
12. 'Tlholego ya Bakgatla ba ga Kgafela' <b>LE</b> 'Leboko la dikgomo'	Potso ya tlhamo	25
13. 'Tlholego ya morafe wa Batlhaping' <b>LE</b> 'Batlhaping ba Kgotla ya oorraMaidi'	Dipotso tse dikhutshwane	25
14. <i>Matsapa di a tsaya kae?</i>	Potso ya tlhamo	25
15. <i>Matsapa di a tsaya kae?</i>	Dipotso tse dikhutshwane	25
16. <i>Ga se Lorato</i>	Potso ya tlhamo	25
17. <i>Ga se Lorato</i>	Dipotso tse dikhutshwane	25

**SE O TSHWANETSENG GO SE TLHOKOMELA KA LETSATSI LA TLHATLHOBO**

- Goroga mo phaposing ya tlhatlho e pele ga tlhatlho e simolola. .
- Dirisa metsotso e le lesome ya go buisa ditaello le lokwalopotso ka kelotlhoko.
- Tlhopha dipotso tse o batlang go di araba go tswa mo lenaneo la diteng.
- **Rulaganya nako ya gago ka nepagalo, o inakanye le nako e e tshikintsweng mo tlase ga ditaello le tshedimosetso.**
- Kwa bokhutlong, boeletsa dikarabo tsa gago go netefatsa gore di nepagetse e bile o arabile dipotso tsotlhe.

## TLHAMO YA DIKWALO KE ENG?

Tlhamo ya dikwalo ke karabo ya gago ya setlhangwa sa dikwalo (poko/padi/ terama) tse o di ithutileng, mo o tshwanetseng **go ranola, tlhatlhoba, akanya** kgotsa ka dinako dingwe o fa karabo ya gago ka setlhogo kgotsa morero go tswa mo mofuteng wa lokwalo. Dikakanyo di a neelwa le go tshegediwa go lebilwe puo ya setlhangwa se se dirisitsweng.

### Malepa a go araba tlhamo ya dikwalo

- Sekaseka setlhogo: thalela se o tshwanetseng go se araba ka fa tlase mme o netefatse gore o tlhologanya se tlhamo e leng ka ga sona.
- Rulaganya tlhamo – o dirisa mmapa wa dikakanyo kgotsa mokgwa o o bonolo mo go wena.
- Tsepama go se se boditsweng! diteng tsa tlhamo ya dikwalo ya gago di golagane le se potso e se batlang.
- Tlhamo e tshwanetse go nna le matseno – bolela setlhogo gape kgotsa o se itsise o be o se tlhalose, e tshwanetse go nna le ditemana di le pedi kgotsa di le tharo jaaka tswelero / kgolo le motlotlo wa setlhogo.
- Setaele se dule se tlhomame. Kwala ka dipolelonolo o dirisa ditemana.
- Lebelela tshedimosetso e e kwa godimo ka moo o ka dirisang matshwao a puiso ka gona.
- Tlhamo e tshwanetse go felela ka bokhutlo: konosetsa tlhamo ya gago ka polelo kgotsa bokhutlo jo bo maatla. Buisa tlhamo yotlhe gape go siamisa diphoso tsa mopeleto le puo.
- **DITENG** tsa tlhamo di tlhatlhabiwa go lebeletswe thanolo ya setlhogo, boteng jwa kgang, go fa mabaka le go tlhologanya setlhangwa.
- **PUO le POPEGO** tsa tlhamo di tlhatlhabiwa go lebeletswe popego, tatelano e e elelang le neelano, puo, segalo le setaele.
- Diteng, puo le setaele di tlaa abelwa maduo go ya ka ruboriki.

## DIPOTSO TSE DIKHUTSHWANE KE ENG?

Mo dipotsong tse dikhutshwane o newa nopollo ya mafoko a a kana ka 400 – 450 go tswa mo pading. O bo o tshwanelwa ke go araba dipotso tse di ikaegileng ka nopollo e. Dikarabo dingwe tsa dipotso o ka di fitlhela mo nopolong, tse dingwe ke tse di tlhatlhobang go boikakanyetsi jwa gago go tswa mo dikarolong tse dingwe tsa padi, jaaka: baanelwa, morero, molaetsa, jalo le jalo.

## KE ENG SE BATLHATLHOBI BA SE SOLOFETSENG?

- Go tlhaloganya ga gago **bokao jo bo tlhamaletseng** jwa padi. O tshwanetse go tllhaola tshedimosetso e e neetsweng mo pading.
- Bokgoni jwa gago jwa go **rulaganya** dintlha tsa padi **sešwa**. Sekao, o ka kopiwa go sobokanya dintlha tsa botlhokwa, go neela dipharologanyo kgotsa go tshwana ga baanelwa ba ba farologaneng.
- Bokgoni jwa gago jwa go neela tshedimosetso e e ka tswang e sa tlhagisiwa ka tlhamalalo mo setlhangweng, mme o dirisa se o setseng o se itse ka padi. Se, ke se se itsiweng jaaka **go itseela tshwetso**. Se, se ka akaretsa mokgwa o tiriso ya dikapuo e ka nnang le seabe ka gona mo go tsholeng go tlhaloganya padi ka go tlhalosa merero kgotsa go bapisa ditiro tsa baanelwa ba ba farologaneng.
- Bokgoni jwa go tlhatlhoba dintlha dingwe tsa padi mme o ikakanyetse, o ikaegile ka tshedimosetso e o e neetsweng mo pading. Kgato e e itsege ka **tlhatlhobo**. Sekao, o ka bodiwa gore a o dumelana le tlhagiso e e rileng, kgotsa go sekaseka maikaelelo a moanelwa mongwe a go dira sengwe.
- Bokgoni jwa gago jwa go tsibogela baanelwa ba ba mo pading le gore e tsosa maikutlo afe. Se, se itsege ka **kgatlhegelo**. Sekao, o ka kopiwa go neela maikutlo a moanelwa mongwe, kgotsa gore wena o ne o tllile go dira eng fa o ne o le mo maemong a gagwe. O ka kopiwa go tlhalosa ka botlalo mokgwa o puo kgotsa setaele sa mokwadi se thusang ka teng go tlhalosa maikutlo a moanelwa.
- Ela tlhoko: Dipotso tse di batlang “Ee” kgotsa “Nnyaya” le tsa tshenolo ya maikutlo, di tshwanetse go tshegediwa ka lebaka.

## MAFOKO A A DIRISIWANG GO BOTSA DIPOTSO

Tse ke dikao tsa mefuta ya dipotso tse di fitlhelwang mo thatlhobong.

Mofuta wa potso	Se o tlhokang go se dira
Tiriso ya tshedimose tso ka tlhamalalo: Dipotso tse di botsang ka ga tshedimose tso e e tlhagisitsweng mo setlhangweng ka tlhamalalo kgotsa go tswa mo nopolong.	
Neela maina a dilo/batho/mafelo/dikarolo...	Kwala maina a a kgethegileng a baanelwa, mafelo, jj
Neela mabaka/moanelwa/dibakwa...	Kwala tshedimose tso kwa ntle ga go nna le dipuisano kgotsa ditshwaelo.
Neela mabaka a le mabedi a...	Kwala mabaka a le mabedi a...
Supa moanelwa/mabaka/morero	Kwala leina la moanelwa, neela mabaka
Tlhalosa lefelo/moanelwa/semelo/go diragala eng fa go...	Kwala diponagalo tse sengwe. Sekao, lefelo le lebega kgotsa le nkga jang? A moanelwa yo o rileng o siame/ga a na mekgwa/o rata ntw...
Ke eng se se dirwang ke moanelwa yo o rileng fa...?	Kwala ka se se diragetseng – ka se moanelwa a se dirileng.
Goreng moanelwa yo o rileng a dirile se a se dirileng?	Neela mabaka a a dirileng gore moanelwa mongwe a dire sengwe (go ya ka kitso ya gago ya poloto).
Ke mang yo dirileng...?	Kwala leina la moanelwa.
Mokwadi o raya mang fa a re...?	Kwala leina la moanelwa yo o maleba/motho.
<b>Thulaganyo sešwa:</b> Dipotso tse di tlhokang gore o dirise tshedimose tso e e farologaneng ka mokgwa o o rulaganeng.	
Sobokanya dintlhakgolo/dikakanyokgolo...	Kwala dintlha tsa botlhokwa ka boripana.
Kgobokanya dikarolwana/mabaka a ka gale...	Kopanya dilo tse di tshwanang.
Neela thadiso ya ...	Kwala dintlhakgolo ka boripana.

<p><b>Go itseela tshwetso:</b> Dipotso tse di tlhokang gore o <b>ranole</b> setlhangwa, o dirisa tshedimosetso e e sa neelwang ka botlalo mo setlhangweng, o e dirisa mo maamong a maitemogelo a gago a botho. Kgato e, e akaretsa go akanya ka se se diragetseng mo dikarolong tse dingwe tsa setlhangwa, ka go go neela ditemosi tse di go bolelelang ka ga moanelwa kgotsa morero mme o dirisa tlhologanyo ya gago go go thusa go tlhologanya setlhangwa.</p>	
Tlhalosa gore kakanyo e e amana jang le morero...	Supa kamano le morero.
Bapisa dikakanyo/ maitsholo/ ditiragatso (ditiro) tsa moanelwa yo o rileng le tsa moanelwa yo mongw...	Bontsha go tshwana le go farologana.
Mafoko a kaya eng/a bontsha eng ka ga moanelwa yo o rileng, maemo a, a go raya a reng ka moanelwa yo o rileng...	Bolela se o se naganang ka bokao, o lebeletse go tlhologanya ga gago ga setlhangwa.
Moanelwa yo o rileng o tsiboga jang fa...? Tlhalosa ka mokgwa o sengwe se ntseng le seabe ka gona mo... <b>Bolela</b> gore o itse jang gore moanelwa yo o rileng o ...	Kwala mokgwa o moanelwa a tsibogang ka ona/ moanelwa o dirile eng kgotsa o ikutlwa jang.
Ke eng se moanelwa yo o rileng a se kayang ka...?	Tlhalosa gore goreng moanelwa a dirisitse mafoko a a rileng.
A polelo e e latelang e <b>nepagetseng</b> kgotsa e <b>fosagetse</b> ?	Kwala 'nepagetse' kgotsa 'fosagetse' fa thoko ga palo ya potso. Neela lebaka la karabo ya gago.
Tlhopha karabo e e nepageteng go feleletsa polelo e e latelang.	Go neetswe dikarabo tse di mmalwa tse go dirisitsweng tlhaka A – D. Kwala tlhaka fela fa thoko ga palo ya potso.
Feleletsa polelo e e latelang ka go tlatsa ka mafoko a a tlogetsweng.	Kwala lefoko le le tlogetsweng fa thoko ga palo ya potso.
Nopola mola go tswa mo nopolong go netefatsa karabo ya gago.	Kwala polelo e e maleba go tswa mo setlhangweng o dirisa mafoko a a tshwanang mmogo le matshwaopuiso
<p><b>Tlhatlhobo:</b> Dipotso tse di tlhokang gore o tlhatlhobe o ikaegile ka kitso le go tlhologanya setlhangwa le maitemogelo a gago.</p>	

Tlhalosa kakanyo ya gago/maikutlo a moanelwa/morero...	Tlhokomela tshedimosetso yotlhe o bo o tseye tshweetso.
A o nagana gore...	Dipotso tse, ga di na dikarabo tse di 'nepagetseng' kgotsa tse di 'fosagetseng', fela o tshwanetse go tshegetsa kakanyo ya gago ka lebaka, o ikaegile ka tshedimosetso e e neetsweng mo setlhangweng.
A o dumalana le gore...	
Go ya ka wena, ke eng...	
Neela ntlhakemo ya gago ka ga...	
<b>Kgatlhegelo:</b> Dipotso tse di botsang ka ga tsibogelo ya gago ya maikutlo ka se se diragalang, baanelwa le mokgwa o e kwadilweng ka ona.	
O ne o tlaa ikutlwa jang fa o ne o le moanelwa yo o rileng?	Dipotso tse, ga di na dikarabo tse di 'nepagetseng' kgotsa tse di 'fosagetseng', fela o tshwanetse go tshegetsa kakanyo ya gago ka lebaka, o ikaegile ka tshedimosetso e e neetsweng mo setlhangweng.
Bua ka tsibogo ya gago mo setlhangweng/tiragalong/maamong/ kgotlhang/ pitlaganong ...	
A o utlwela moanelwa yo o rileng botlhoko...	
Tshwaela ka botlalo ka tiriso ya setaele, segalo, puo ya botshwantshi le mmuisano tsa mokwadi...	Fa o araba mofuta o wa potso, ipotse dipotso tse: A setaele se se nthusa go akanya ka se se diragalang. Moanelwa o ikutlwa jang? Goreng a ikutlwa jalo? Neela lebaka la karabo ya gago.

## THADISO

*Ntlhomole  
Mmutlwa*

### MATSENO

*Ntlhomole Mmutlwa* ke padi e morero wa yona e leng segologolo kgatthanong le sešwa kgotsa go tlhomolwa mmutlwa kgotsa go ntsha botlhoko. Merero e, e itshetlegile ka baanelwa Matsetseleko, Kgori le Kelogile. Bontsi jwa ditiragalo bo diragala mo metseng e e latelang;- Phiritshweu le Kgaladi.

Tiragalokgolo ya kanelo ke go gana ga Matsetseleko go tsaya boswa jwa tiro ya ga rraagwe ya go nna mogotsamolelo kwa kgotleng ya motse. Rraagwe yo o ngangatletseng setso, o ikgatholosa le go sa bone botlhokwa jwa thutego ya ga Matsetseleko. Matsetseleko o ne a na le mogopolo wa go tsweletsa dithuto tsa gagwe ka a feditse mophato wa marematlou. Thulano ya dikakanyo tsa ga Matsetseleko le rraagwe e gapeletsa Matsetseleko go ngweega kwa gaabo. Matsetseleko o tshabela kwa Kgaladi, a gorogela kwa ga Segonyamatlho. Bra Boots o batlana le ena. Kwa bofelong o ile a kgona go mmona, Matsetseleko a boela gae. O fitlhela rraagwe a ile boyabatho. Kwa mabittleng, o lemosa mmaagwe gore o tlhoka go tlhomolwa mmutlwa.

#### BAYOKERAFI YA MOKWADI



**Othusitse Moses Lobelo**

Othusitse Moses Lobelo O tsetswe ka 14 Diphlane 1975 kwa Warrenton mo profenseng ya Kapa Bokone. O goletse kwa Ga- Khunwana gaufi le Mafikeng. Ke ngwana wa bone wa ga MaphaOkela le Kesediretse Lobelo. O simolotse dithuto tsa gagwe kwa sekolo potlana sa Moshoeite ka ngwaga wa 1983, a konosetsa Mophato wa marematlou kwa sekolo segolo sa Mogawane ka ngwaga wa 1994.

Talente le bokgoni tsa gagwe tsa go kwala di itshenotse fa a kgonne go tlhagisetsa Radio Mmabatho teramakhutshwe e e neng ya gasiwa mo seyalemoyeng. Ka ngwaga wa 1996, Othusitse o ne a tsenela kgaisano ya bokwadi ya *Shuter & Shooter Literary Award: One- Act Plays Competition*, foo o ne a fenywa maemo a boraro ka buka ya gagwe e a neng a e tlhakanetse le ba bangwe, e bong *Diselamma*. Buka eo, e ne ya phasalatswa ke Shuter & Shooter ka ngwaga wa 1997.

Ntle le bokwadi, Othusitse o itshupile gape mo mererong ya tsa kgwebo. O ne a iponela maemo a ntlha mo kgaisanong ya *Business Kickstart 2010*. Othusitse o tsenetse manaane a dithuto-potlana mo ditheong tse di farologaneng tsa thuto, go akaretsa lenaane la *Retail Management* kwa Yunibesithing ya Johannesburg.

O golagane le setheo sa dithuto tsa Seaforika se se bidiwang *Eskia Institute*, a dira jaaka moanedi (Voice-over artist) mo porojekeng e e bidiwang *Afrikan Affirmations: Radio Series*. Porojeke eo e tlhotlheleditswe ke ditiro, botshelo le bokwadi jo bo tseneletseng jwa ga Eskia Mphahlele. Lentswe la gagwe le utlwala mo seyalemoweng sa bosetšhaba sa Motsweding FM, a anela ka mekgwa le maitsholo a go tshela.

## **LEMORAGO LA PADI**

Lemorago la padi e, le ama ditiragalo tsa segologolo kgatlhanong le tsa sešwa. Kgori le Kelogileke baanelwa ba ba emelang segologolo. Kgori ke mogotsamolelo kwa kgotleng e bile lefoko la gagwe le tshwanetse go agelwa mosako fa Kelogile e ne e le mosadi wa setso, a ka se botse monna wa gagwe dipotso, a ka se mo arabise. Matsetseleko ke moanelwa yo o emelang sešwa. O ne a le kgatlhanong le tshwetso ya ga rraagwe ya gore a tseye boswa jwa go nna mogotsamolelo kwa kgotleng ya motse.


## **NTLHOMOLE MMUTLWA**

**Ntlhomole mmutlwa** ke leele le le kayang gore motho o utlwile bothoko, ka jalo, o tlhoka go tlhomolwa mmutlwa, ke gore, go ntshiwa mo matlhomoleng a. Matsetseleko o utlwa bothoko ka ntlha ya patiko, mme o eletsfa fa a ka thusiwa gore bothata jo bo rarabololwe. Motlhodi wa bothoko jo ke rraagwe ka a batla gore a tseye boswa jwa go nna mogotsamolelo kwa kgosing mme ena o kgatlhanong le maikaelelo ao. Mmaagwe e bong Kelogile, ga a mo thuse ka sepe go rarabolola bothata jo ka e le mosadi wa setso, a ka se gakolole molekane wa gagwe, a ka se mo arabise kgotsa go mmotsa dipotso. O boifa go tlhagisa maikutlo a gagwe mo go ena.



## KGANG E ANELWA JANG?

Karolo e, e thadisa ka diponagalo tsa dikwalo tsa padi tse mokwadi a di dirisang go tlotla kang.



## MAITSHETLEGO

Maitshetlego a kaya lemorago kgotsa boalo jo mopadi a bo alang gore ditiragalo tsa padi di lebege kgotsa di kgodise gore di diragetse ka nnete mo botshelong. Magareng ga tse dingwe a akaretsa lefelokgang le paka/motsi/motlha wa ditiragalo. Paka e ka nna ya setso/segologolo, sešwa/segompieno kgotsa ya mo magareng.

Padi e, e kopantse dipaka tse pedi e leng setso le segologolo kgotsa sešwa le segompieno. Maitsholo a banelwa ka kakaretso, dipuo, dijo, ditumelo, moaparo jalo jalo/didirisiwa ke tsona tse di re senolelang motlha kgotsa paka ya ditiragalo tsa lokwalo. Ditiragalo tsa padi e e fa isong di ikadile segolo mo metseng e e latelang: Phiritshweu, Kgaladi, Dikhudung le Morolahutshe.

**(a) Phiritshweu**

- Motseselegae wa Baphiring o baagi ba ona ba dumelang thata mo setsong le ngwao ya Batswana. O ikadile mo godimo ga dithota le dithotana, e bile o ralalwa ke molapo wa mokgorokgoro. Motse o o nang le kgogedi, ka o dikanyeditswe ke ditlhare tsa mefutafuta.
- Baagi ba motse ba santse ba na le meraka. Bangwe ba bona ba ne ba itiretse meraka mo matlong a a neng a tlogetswe ke baruti ba Majeremane le Mafora.
- Kgosi ya motse o ke Kgololo, ga a na morwa, o na le morwadi a le esi e bong Palesa. Kgosi e ne e tsamaisa puso ya motse le bagakolodi ba gagwe jaaka bo Kgori le banna ba bangwe ba lekgotla.
- Ka ntlha ya tlhalelo ya ditlhabololo mo motseng wa Phiritshweu, puso e ne ya tlisa ditlhabololo ka go agela baagi Thuto-Kgololo FET College:

**(b) Kgaladi**

- Ke motsesetoropo o o tlabologang. Seno se senolwa ke mokgwa wa sešweng o dilo di dirwang ka ona.
- Aterese e e dirisiwang ke ba lelapa la ga Segonyamatlho e bontsha nomoro le leina la mmila.
- Mosadi wa ga Segonyamatlho e bong Morongwa, o na le mothusi wa mo lelapeng, yo o bidiwang Diraamang. Morongwa le ena o apaya ka mokgwa wa sešweng.
- Thologelo e ntsi ya batho ka ntlha ya go dira mo meepong e e mabapf, e dira gore mebila ya toropo e dule e nyeuma.
- Remofilwe le Rebafilwe, mawelana a ga Segonyamatlho le Morongwa, ba rometswe sekolong kwa moseja. Se ke tshupo ya gore batsadi ba tsaya thuto tsia.

**(c) Dikhudung**

- Ke motsesetoropo o o nang le ditlhabologo ka o na le le matlolehalahala a mabedi.
- Ntlolehalahala ya bobedi ba e agetswe ke meepo e e neng e le gaufi le motse wa bona

**(d) Morolahutshe**

- Ke motse o o bapileng le motsesetoropo wa Kgaladi.
- Lefelo le le senolang bosenyi gone ke teng kwa Bra Boots a neng a wela dinokwane tse di neng tsa mo gobatsa le go mo kgothosa koloi fa a ntse a le mo letsholong la go batlana le Matsetseleko.

**(e) Donkermag**

- Ke ntlwanalefitshwana e Matsetseleko a neng a isiwa kwa go yona morago ga go tshwarwa.

**(f) Tshwane**

Ke toropo e go fitlhelwang Yunibesithi ya Tshwane, e na le dihotele le matlomahalalahala a maemo a a kwa godimo

**BAANELWA LE BOANEDI**

Baanelwa ke batho ba ba farologaneng, ba ba itlhametsweng ke mokwadi gore ba tsamaise ditiragalo tse a senolang morero ka tsona. Boanedi ke mokgwa o mokwadi a upololang botho jwa baanelwa ka gona, ka go tlhalosa dikakanyo, maikutlo, ditlhagiso le ditiro tsa bona. Fa o buisa padi o tshwanetse go leba bosupi jo bo bontshang botho jwa baanelwa le maikutlo a bona le mokgwa o bo fetogang fa kgang e tswelletse.

Go na le baanelwa ba ba tshelang e bong baanelwa ba ba kgolokwe (ba madi le nama) le baanelwa ba ba sephara (ba mmopa) e leng mokgwa o mokwadi a ba tlhagisang ka ona. Baanelwa **ba fetoga** ka tsela e e rileng, ka ntlha ya ditlamorago tsa tiragalo nngwe. Ba na le ditlhaloso di le dintsi tsa semelo sa bona. Ba matswakabele jaaka batho ba boammaaruri – sk. moanelwa o boboi, o lerato, o dikgoka, jj.

**(a) Baanelwa ba ba sephara (ba mmopa)**

Baanelwa ba ba sephara (ba mmopa) **ga ba fetoge** ka gope mo tsamaong ya ditiragalo. Ba tlhagiswa ka boleng kgotsa kakanyo e le nngwe mme bo ka tlhaloswa ka polelo e le nngwe. Se se kaya gore moanelwa yo o sephara a ka siama kgotsa a nna bosula mo lokwalong lotlhe e bile ga a dumelesege.

**(b) Baanelwa ba ba kgolokwe (ba madi le nama)**

Baanelwa ba ba kgolokwe (ba madi le nama) **ba a fetoga**. Ba tlhagiswa ka boleng kgotsa dikakanyo tse di farologaneng mme ba gola go ya ka kgolo ya ditiragalo. Ba tlhalosiwa ba le matswakabele, ba tlhagisiwa ka dimelo tse di farologaneng, ba a lela, ba tshaga, ba galefa, ba nna bonolo go ya ka ditiragalo mo lokwalong lotlhe. Baanelwa ba, ba emela batho ba ba tshelang ka tota, ba o ka se ba itseng mme ba fetoga go ya ka ditiragalo. Moanelwa yo o kgonang go fetogafetoga, o kaiwa e le yo golang.

## Mefuta ya baanelwa

Baanelwa ba ka aroganngwa go ya ditiro tsa bona mo lokwalong. Go na le baanelwabagolo le baanelwa ba batlaleletsi.

## ITSE BAANELWA BA GAGO!

### (a) Baanelwabagolo

Baanelwabagolo ba simolola le ditiragalo go tloga kwa tshimologong go fitlha kwa bokhutlong. Ba thusa go senola morero wa lokwalo, ka ditiragalo di dikologa mo go bona. Moanelwamogolo o okame padi yotlhe mme baanelwa bangwe mo pading ba amana le ena ka mokgwa mongwe. Go na le baanelwa ba e leng bagapatiro le bakganatiro. Mogapatiro ke moanelwamogolo yo ditiragalo di mo dikaganyeditseng, a tswelletsa morero pele. Fa a atlega e nna mofenyi, fa a fenngwa e nna motswasetlhabelo.

### Matsetseleko

Matsetseleko ke mogapatiro mo pading e. Ke ngwana wa ga Kelogile le Kgori yo e neng e le mogotsamolelo kwa kgosing. O matlhagatlhaga mme ke mosimane yo o botlhale yo kgonang go falola lokwalo la marematlou. Ga a batle go tswelletsa tiro ya ga rraagwe ya bogotsamolelo mme o batla go tswelletsa dithuto tsa gagwe. Se ke ona motlhodi wa kgotlhang ya padi.

### Segonyamatlho

Ke rragwebo kwa Kgaladi, a na le lebenkele le bidiwa Kebawetse General Dealer. Ke monna wa ga Morongwa mme o ne a siame, a amogela le go neela Matsetseleko marobalo le tiro kwa ga gagwe. O ne a mo tshegetsatsa le go mo thusa go fitlhela a boela gae.



### (a) Baanelwa ba batshwarakgamelo/ batlaleletsi

Ke baanelwa ba batlaleletsi fela ba ba se nang seabe se se kalo. Bangwe ba tlhagelele gangwe fela.

Ba ka tshegetsatsa mogapatiro kgotsa mokganatiro.

### **Bra Boots/ rre Sebogodi Tlhapedi**

Ke lepodisa le le neng le tshabiwa thata mo motseng wa Phiritotshweu. O ne a neetswe tiro ya go batlana le Matsetseleko ke Kelogile, ka a ne a ngweegile kwa gae. A rata tiro ya gagwe e bile a e dira ka botswapelo.

### **Morongwa**

Ke mogatsaagwe Segonyamatlho yo o neng a itse go apaya le go tshola baeng mo lelapeng la gagwe. Mosadi yo o botho e bile a le lerato.

### **Kgosi Kgololo**

Kgosi e e botlhale ya motse wa Phiritshweu, rraagwe Palesa. Ga se mmusaesi ka a reetsa le go amogela dikgakololo go tswa mo morafeng le mo go Palesa morwadiaagwe go bontsha fa lethaku le lešwa le agelelwa mo go le legologolo.

### **Palesa**

Morwadie kgosi Kgololo, yo o godileng mmogo le Matsetseleko ba bo ba ratana. Ke mosetsana yo montle, tsala ya ga Mmathapelo. O feleleditse a nyetswe ke Matsetseleko.

### **Mmathapelo**

Ke tsala e e ntshanang se inong le Palesa e bile ba tsena sekolo mmogo. Ke mosetsana yo montle thata mme a ratana le Baagileng.

### **Baagileng**

Ke motlhatlheledi kwa Setlagole FET College. O ne a ratana le Mmathapelo. Kgosi Kgololo o mo roma go ya go mo emela kwa moletlong wa dikgaisano tsa dipuisano wa boPalesa. O tlhoka nnete, o batla go tsietsa Palesa ka go mo nosa bojalwa.

## Semelo

Ke dintlha tse di botlhokwa ka maitsholo a motho. Batho botlhe ba na le dimelo tse di senolwang ke ditiragalo le dipuo tsa bona. Botho le mekgwa di a nyalelana.

Semelo	Bosupi
<b>(a) Matsetseleko</b>	
<ul style="list-style-type: none"> <li>O matlhagatlhaga</li> </ul>	<ul style="list-style-type: none"> <li>O dira tiro nngwe le nngwe ka matsetseleko le matlhagatlhaga</li> </ul>
<ul style="list-style-type: none"> <li>O na le lerato la nnete</li> </ul>	<ul style="list-style-type: none"> <li>O ratile Palesa mo bonnyeng go fitlhela a mo nyala.</li> </ul>
<ul style="list-style-type: none"> <li>Ga a matlhomantsi</li> </ul>	<ul style="list-style-type: none"> <li>Ga a ise a nke a rate ope mo pading kwa ntle ga Palesa.</li> </ul>
<ul style="list-style-type: none"> <li>O fetsa mogopolo ka gangwe</li> </ul>	<ul style="list-style-type: none"> <li>O tsamaya fa gaabo ka ntlha ya go patikwa ke rraagwe.</li> </ul>
<ul style="list-style-type: none"> <li>O na le lerapo la mokwatla</li> </ul>	<ul style="list-style-type: none"> <li>O emelela ntlha ya gagwe ya go tswelletsa dithuto tsa gagwe.</li> </ul>
<ul style="list-style-type: none"> <li>O na le ponelopele</li> </ul>	<ul style="list-style-type: none"> <li>O butswitse, a itse ka ga botshelo.</li> </ul>
<ul style="list-style-type: none"> <li>O tlhogo e e boleta</li> </ul>	<ul style="list-style-type: none"> <li>O tlhaloganya bonolo.</li> </ul>
<ul style="list-style-type: none"> <li>Ke senatla( a le diatla)</li> </ul>	<ul style="list-style-type: none"> <li>O dira tiro nngwe le nngwe e a neng a e neelwa ka matsetseleko.</li> </ul>
<ul style="list-style-type: none"> <li>O bofitlha.</li> </ul>	<ul style="list-style-type: none"> <li>Ga a ka bolelela Palesa gore o nna kae le go tlhalosetsa Bra Boots nnete.</li> </ul>
<ul style="list-style-type: none"> <li>A le kelotlhoko.</li> </ul>	<ul style="list-style-type: none"> <li>O dira ka botswapelo mo tirong e nngwe le e nngwe e a neng a e neelwa.</li> <li>O lemoga Bra Boots fa a ne a le kwa Kgaladi.</li> </ul>
<b>(b) Kgori</b>	
<ul style="list-style-type: none"> <li>Monna yo o ratang setso thata</li> </ul>	<ul style="list-style-type: none"> <li>O gapeletsa morwae e leng Matsetseleko go tsaya tiro ya gagwe ya bogotsamolelo.</li> </ul>
<ul style="list-style-type: none"> <li>O tlhogo e thata</li> </ul>	<ul style="list-style-type: none"> <li>Ga a reetse dikgakololo tsa mosadi wa gagwe fa a re go dirisiwe Bra Boots go batla Matsetseleko.</li> </ul>

	<ul style="list-style-type: none"> <li>Ga a reetse Matsetseleko fa a re ga a batle go nna mogotsamolelo wa kwa kgotla mme se, se thankgolola morero wa padi wa sešwa se se leng kgatlhanong le setso.</li> </ul>
<b>(c) Kelogile</b>	
<ul style="list-style-type: none"> <li>O botho e bile a le tlotlo.</li> </ul>	<ul style="list-style-type: none"> <li>O bua le Kgori a tlhomile tlhogo go bontsha maitseo</li> </ul>
<ul style="list-style-type: none"> <li>Ke seithati.</li> </ul>	<ul style="list-style-type: none"> <li>O rata malomo le go kgabisa ntlo</li> </ul>
<ul style="list-style-type: none"> <li>O lerato</li> </ul>	<ul style="list-style-type: none"> <li>O utlwa botlhoko fa monna wa gagwe a se na go tlhokafala.</li> </ul>
<b>(d) Segonyamatlho</b>	
<ul style="list-style-type: none"> <li>O siame thata (a le pelontle).</li> </ul>	<ul style="list-style-type: none"> <li>O neela Matsetseleko marobalo le go mo neela tshegeto mo botshelong.</li> <li>A ratela mongwe le mongwe tswelelopelo.</li> <li>A itumelela diphitlhelelo tsa ga Matsetseleko tse dintle.</li> </ul>
<ul style="list-style-type: none"> <li>O a ikanyega</li> </ul>	<ul style="list-style-type: none"> <li>Ditsholofetso tsa gagwe mo go Matsetseleko di ne di sa fetoge.</li> </ul>
<ul style="list-style-type: none"> <li>O kemonokeng</li> </ul>	<ul style="list-style-type: none"> <li>O ema Matsetseleko nokeng le fa a ne a le kwa kgolegelong.</li> </ul>
<ul style="list-style-type: none"> <li>O tshepa batho.</li> </ul>	<ul style="list-style-type: none"> <li>O neela Matsetseleko koloi ya gagwe go e dirisa.</li> <li>O amogela Matsetseleko mo ntlong ya gagwe a sa mo itse.</li> </ul>
<b>(e) Bra Boots / Sebogodi Tlhapedi</b>	
<ul style="list-style-type: none"> <li>O pelotelele</li> </ul>	<ul style="list-style-type: none"> <li>Ga a ineele fa letsholo la go batla Matsetseleko le sa atlege.</li> </ul>
<ul style="list-style-type: none"> <li>O bogale.</li> </ul>	<ul style="list-style-type: none"> <li>O tshabiwa ke botlhe e bile ga a tlakatlakelwe.</li> </ul>
<b>(f) Morongwa</b>	

<ul style="list-style-type: none"> <li>• O siame thata (a le pelontle)</li> </ul>	<ul style="list-style-type: none"> <li>• O neela Matsetseleko marobalo, a ratela mongwe le mongwe tswelelopelo e bile a itumelela diphitlhelelo tsa bona tse dintle.</li> </ul>
<ul style="list-style-type: none"> <li>• Ke sethaga</li> </ul>	<ul style="list-style-type: none"> <li>• O itse go apaya le go amogela baeng.</li> </ul>
<b>(g) Kgosi Kgololo</b>	
<ul style="list-style-type: none"> <li>• Ga a tshware sekgopi.</li> </ul>	<ul style="list-style-type: none"> <li>• Le fa banna ba lekgotla ba ne ba mo lomeletsa o ne a sa ba ngalele.</li> </ul>
<ul style="list-style-type: none"> <li>• O a itlotla</li> </ul>	<ul style="list-style-type: none"> <li>• Ga a tsene dikgang tsa bana, fa go le kgang a romela Masedi go bua le Palesa.</li> </ul>
<ul style="list-style-type: none"> <li>• O a reetsa le go tsaya dikgakololo.</li> </ul>	<ul style="list-style-type: none"> <li>• Fa Palesa a bua le ena le go amogela gore Matsetseleko a nyale Palesa</li> </ul>
<ul style="list-style-type: none"> <li>• Ga se mmusaesi.</li> </ul>	<ul style="list-style-type: none"> <li>• O kgona go dirisana le batho le go ba gakolola.</li> </ul>
<b>(h) Palesa</b>	
<ul style="list-style-type: none"> <li>• Ga a na lerapo la mokwatla/ga a na sephiri.</li> </ul>	<ul style="list-style-type: none"> <li>• O feleletsa a bolelela Mmathapelo ka lerato la gagwe le Matsetseleko</li> <li>• O bolelela rraagwe ka se se diragetseng kwa Dikhudung.</li> </ul>
<ul style="list-style-type: none"> <li>• O pelokgale</li> </ul>	<ul style="list-style-type: none"> <li>• O kgonne go bolelela rraagwe ka ditiro tse di sa siamang tsa borre ba lekgotla, a bo a kgona go gakolola rraagwe.</li> </ul>
<b>(i) Mmathapelo</b>	
<ul style="list-style-type: none"> <li>• O na lerato la nnete.</li> </ul>	<ul style="list-style-type: none"> <li>• O a tshwenyega fa a bona Palesa a sa itumela.</li> <li>• O rata Baagileng.</li> </ul>
<ul style="list-style-type: none"> <li>• O boitshwarelo</li> </ul>	<ul style="list-style-type: none"> <li>• O itshwarela Palesa morago ga go mo fitlhela a atlana le Baagileng.</li> </ul>
<b>(j) Baagileng</b>	
<ul style="list-style-type: none"> <li>• Ga a na lerato la nnete/o matlho mantsi.</li> </ul>	<ul style="list-style-type: none"> <li>• O ratana le Palesa ntswa a ratana le Mmathapelo.</li> </ul>



<ul style="list-style-type: none"> <li>• Ke leferefere/o letsipa</li> </ul>	<ul style="list-style-type: none"> <li>• O tshelela Palesa beine gore a se ke a mo fekeetsa fa a tshwere kgang le ena.</li> </ul>
<ul style="list-style-type: none"> <li>• Ga a tshepagale</li> </ul>	<ul style="list-style-type: none"> <li>• Bagolo ba ga Palesa ba mo roma go ya go ba emela kwa dikgaisanong tsa kwa Tshwane ka ba ne ba sa kgone go ya, mme Baagileng o nna le kgalhego ya go ratana le Palesa.</li> </ul>
<ul style="list-style-type: none"> <li>• Ga a na maikarabelo/Ga a ikanyege.</li> </ul>	<ul style="list-style-type: none"> <li>• O ya go emela Kgosi Kgololo kwa moletlong wa boPalesa mme ga a itsise Mmathapelo ka se.</li> </ul>
<ul style="list-style-type: none"> <li>• O loleme lo borethe.</li> </ul>	<ul style="list-style-type: none"> <li>• O bolelela Palesa ka mokgwa o a kgethegileng ka ona. O mmolelela dilo tsotlhe tse dintle ka ena.</li> </ul>

### Tshobotsi

<b>(a) Matsetseleko kwa Phiritshweu</b>	<b>Matsetseleko kwa Kgaladi</b>
<ul style="list-style-type: none"> <li>• Maoto a maleele a masesane</li> <li>• Mosimane yo moleele</li> <li>• Ditlhaa e kete o jele botlha</li> <li>• Matsogo a matepenyana/ matsogo a lepeletseng</li> <li>• Matlho a mosetsana yo montle a fetsa go lela (Matlho a le mahibidu)</li> </ul>	<ul style="list-style-type: none"> <li>• Matlho a le masweu</li> <li>• Marama a le borethe</li> <li>• Ditlhaa di ne di sa tlhole di wetse, marama a le makima.</li> <li>• 4. O simolola go tswa ditetswana fa godimo ga molomo.</li> </ul>

<b>(b) Kelogile</b>	<b>(c)Kgori</b>
<ul style="list-style-type: none"> <li>• O montle</li> <li>• Sefatlhego se tshwana le perekesi e na le beke e butswitse sentle/sefatlhego se le borethe.</li> <li>• Sefatlhego se tlhpile ka monyenyo o o sa feleng.</li> </ul>	<ul style="list-style-type: none"> <li>• O omeletse ditlhaa.</li> <li>• Meno a le mantsho ka ntlha ya go goga motsoko.</li> <li>• Matlho a hibitse.</li> <li>• O mosesane a omeletse.</li> </ul>

<ul style="list-style-type: none"> <li>• Meno a le maswaana.</li> <li>• Mmele o o tletseng.</li> <li>• Moriri o o tlhakantseng bontsho le bosweu.</li> <li>• A le moleele.</li> </ul>	
---	--

<p><b>(c) Segonyamatlho</b></p> <ul style="list-style-type: none"> <li>• O ne a na le dimpa tse ditona thata</li> <li>• Dimpa tsa gagwe di tshwana le thele ya kgomo ya mašwi e na le matsatsi a le mabedi e sa gangwe e kete dimpa tse pedi</li> <li>• Dikhularo tsa gagwe di le di kalo ( Marago a makima)</li> <li>• Sefatlhego sona se ne se solegile sentle se se setlhana e kete la kgarejwana e le ratla la tlou</li> </ul>
--

<p><b>(d) Segopotso Tlhapedi (Bra Boots)</b></p> <ul style="list-style-type: none"> <li>• Ga a na ditebego bogolo jang mo sefatlhegong</li> <li>• Sefatlhego sa gagwe se tsutsubane</li> <li>• Ditedu di le matoditodi</li> <li>• Nko e le sephara e le totoma jaaka ya kamela</li> <li>• Matlho a le diroto a phatshima jaaka a segwagwa</li> <li>• Meno a latlhile mmala ka ntlha ya motsoko</li> <li>• Tlhogo e phatsima ka nako tsotlhe</li> <li>• A na le mmele o montle wa senatla</li> <li>• A goletse kwa godimo</li> <li>• Magetla a le sephara a omile e kete a nare</li> </ul>
---

<p><b>(f) Palesa</b></p> <ul style="list-style-type: none"> <li>• Montle</li> <li>• O katogile monyo</li> <li>• Meriri e le mekhutshwane</li> <li>• O moswaana</li> <li>• Matlho e kete a namane</li> </ul>	<p><b>Palesa ka letsatsi la dikgaisano tsa puo</b></p> <ul style="list-style-type: none"> <li>• Moriri o le meleele, o phatsima, o le boleta.</li> <li>• Sefatlhego se se borethe</li> <li>• Matlho a makima</li> </ul>
---	---


<ul style="list-style-type: none"> <li>• Nko e le kgolokwane e tshwanelana le sefatlhego</li> <li>• Marama a le borethe jaaka ditlhaka tsa garenata</li> </ul>	
--	--

(g) Mmathapelo	(h) Baagileng
<ul style="list-style-type: none"> <li>• O montle</li> <li>• O katogile monyo</li> <li>• Meriri e le mekhutshwane</li> <li>• O mofitshwana</li> <li>• Nko e emetse kwa godimo e le lenono</li> <li>• Matlho a le kgolokwe e kete mae a leeba</li> <li>• Molomo o le monnye e kete wa tlhatswana</li> <li>• Sefatlhego sa gagwe se le borethe</li> <li>• Mmathapelo a le seriti</li> </ul>	<ul style="list-style-type: none"> <li>• O moleele</li> <li>• Matlho o ka re a mosadi a sa tswa go sunyetsa motsoko/matlho a le dikeledi</li> <li>• Ditetswana di dikologa molomo</li> <li>• Nko e okame molomo</li> <li>• Tlhogo e a phatsima</li> </ul>

### Poloto

Poloto ke eng?

- Ke tatelano ya ditiragalo go tloga kwa tshimologong go ya kwa bokhutlong, mme di na le mabaka a a di tlholang.



## **Mefuta ya kgotlhang**

Mo pading ya *Ntlhomole Mmutlwa* go na le mefuta e e farologaneng ya dikgotlhang.

### **(a) Kgotlhang magareng ga baanelwa**

Kgotlhang magareng ga baanelwa (Pharologanyo/ go gotlhana ga dikakanyo tsa batho)  
Kgori le morwae Matsetseleko

Kgori le mosadi wa gagwe Kelogile

### **(b) Kgotlhang magareng ga moanelwa le tikologo/loago/setso**

- Go tlhagelela kgotlhang magareng ga moanelwa le tikologo/loago/setso. Bogotsamolelo le boruteji.

### **(c) Kgotlhang ya dikakanyo kgotsa ya maikutlo**

Kgotlhang ya maikutlo mo mothong (Maikutlo a a farologaneng mo mothong ka sengwe).  
Fa moanelwa a le mo marakanelomg a ditsela, a sa itse gore a tseye tshwetso efe, sekao.  
Fa Matsetseleko a le kwa Dikhudung morago ga dikgaisano tsa dikopelo. O batla go boela gae fela o tshaba banna ba lekgotla le rraagwe.

## **Morero**

Ke thitokgang kgotsa kgangkgolo e mopadi a re tlotlelang ka yona. Ka yona o re neela setshwantsho sa botshelo. Ditiragalo tsa padi di ikaegile le go dikologa mo go ona.

- Ditiragalo tsa padi, Ntlhomole Mmutlwa, di dikologa kgotsa di diragala mo phisegong ya moanelwamogolo Matsetseleko, yo o tlhokang go tlhomolwa mmutlwa ka a le kgotlhanong le tshwetso ya ga rraagwe e bong Kgori, ya go mo pateletsa go tsaya tiro ya gagwe ya bogotsamolelo fa a rola tiro.
- Go nna le thulano ya segologolo le sešwa gone Kgori o ganelela mo segologolong fa Matsetseleko ene a le mo sešweng. Seo se tlhola gore go nne le thulano ya dikakanyo le maikutlo ka gore Matsetseleko o rata go tswelletsa dithuto tsa gagwe.

## **Molaetsa/Thuto**

Thuto kgotsa molaetsa di ikaega ka morero wa padi. Padi nngwe le nngwe e na le molaetsa kgotsa thuto tse babuisi ba itseelang tsona go tswa mo ditiragalong tsa padi. Go ya ka maitemogelo a gagwe a botshelo, mopadi o re takela setshwantsho sa botshelo ka ditiragalo tsa padi ya gagwe, maikaelelo e le go gorosa molaetsa kgotsa thuto e e rileng go babuisi. Dikao tsa molaetsa e o ithutileng yona go tswa mo baanelweng ba ba farologaneng mo pading ya *Ntlhomole Mmutlwa* ke e e latelang:

- Nama ya kgapeletsa e thuba pitsa.(Kgori).
- Se itsapele go kgarathela go fitlhelela maikaelelo a gago mo botshelong.(Matsetseleko).
- Motho ke motho ka batho ba bangwe.(Segonyamatlho).
- Gaabomotho go thebe phatshwa.(Matsetseleko).
- Lebitla la monna le fa thoko ga tsela (Matsetseleko).
- Mosekaphofu ya gaabo ga a tshabe go swa lentswe (Matsetseleko).
- Motho ga a itsiwe e se naga (Baagileng).
- Ngwana yo o tlhogokgolo o sira rraagwe.(Matsetseleko).
- Se nkganang se nthola morwalo (Mmathapelo).
- Botlhale jwa phala bo tswa phalaneng.(Palesa le Kgori).
- Motho ga a iphetse e se naga (Palesa)

## **Segalo**

- Segalo ke mokgwa o mokwadi a senolang maikutlo a gagwe ka ona.
- Segalo mo pading se a fetogafetoga go ya ka ditiragalo tse di se senolang.
- Segalo se thusa maemo a a renang a a tilhokegang.
- Se ka tlhalosiwa e le sa botsalano, lorato, lonyatso, kutlobotlhoko, boitumelo, kakgolo, tshotlo, kgalefo, le go kobisa.

## **Maikutlo**

Maikutlo ke sengwe se mmuisi a itemogelang sona mo pading. E ka nna maikutlo a lerato, lenyatso, kutlobotlhoko, boitumelo, kagolo, tshotlo le a kgalefo.

## **Moanedi**

Moanedi ke motho yo o anelang padi kgotsa lokwalo longwe. Mosola wa moanedi ke go bona ka itlho le le rileng. Mo bokwading, moanedi o tlhagisa tiro ya gagwe mo mmuising. moanedi a itlhagisa ka boena mo kaneding kgotsa a ka tlhagelela jaaka motshwaedi kana moanedi yo o sa itseweng. Fa o batla go itse gore mokwadi ke mang, seo o tlaa se senolelwa ke fa mmuisi a tlhalosa maikaelelo a mokwadi ka ga boleng, ditumelo le maitemogelo a gagwe.

## **GO MENOGA GA DITIRAGALO MO PADING.**

- Go menoga ga ga Kelogile morago ga gore Kgori a gane go iwe kwa mapodising. Go ya ka semelo sa gagwe le setso, re ne re lebeletse gore a dumalane le mogatse fela ena o ne a tsaya dikgato a roma Bonolo go ya go bega go nyelela ga ga Matsetseleko kwa mapodising.

## DIKGAOLO TSA 1 LE 2

### **Ntlhomole Mmutlwa**

**NTE RE GO ALELE PHATE KA GO SOBOKANYA DITIRAGALO TSA PADI E, KGAOLO KA KGAOLO, GO GO BOPELA SETSHWANTSHO.**

#### **Tshobokanyo ya Kgaolo ya 1**

- Ditiragalo di simolola mo motseng wa Phiritshweu. Di itshetlegile ka moanelwamogolo e bong Matsetseleko.
- Rraagwe Matsetseleko Kgori, o ikutlwa gore nako ya go rola jokwe ya bogotsamolelo kwa kgotleng e gorogile. O rata fa tiro eo e ka tsweliswa ke morwae, Matsetseleko.
- Matsetseleko o kgatthanong le kakanyo ya ga rraagwe ka a le mo mophatong wa marematlou. O na le kakanyo ya go tswelensa dithuto tsa gagwe.
- Kgori o a pateletsa, o mina ka nko e le nngwe, gonne e le monna wa setso yo o sa inaakanyeng le sešwa. Mophato wa marematlou mo go ena ga o botlhokwa go gaisa bogotsamolelo.
- Ntlhakemo ya ga Kgori e tihola kgotlhang magareng ga gagwe le Matsetseleko.
- Mosimane o lemoga gore setlhare sa mosi ke go o katoga, a inaya naga.
- Kgori le mogatse Kelogile ba tsenwa ke tsebetsebe ka ntlha ya go nyelela ga Matsetseleko. Kgori o ya kwa kgotleng go kopa thuso ya letsholo la Makanyane, fa Kelogile o kopa thuso mo sepodiseng go batlisiwa morwabona.
- Letsholo la **Makanyane** le simolola patlo ya lona matsatsi morago ga go nyelela ga Matsetseleko ka ntlha ya mekgaphe e e ba farafarile.
- Bra Boots mo boemong jwa sephodisi o semelela ka tiro ya patlo, o solofetsa gore o tlaa boa go tla go tsweliswa dipatlisiso fa a ka lala a sa bona Matsetseleko


#### **Tlotlofoko ya Kgaolo ya 1**

1. *Itshetlegile - Ikaegile*
2. *Rola jokwe - Go rola tiro*
3. *Go inaya naga- Go tshaba*
4. *Go mina ka nko e le nngwe - Go tšhakgala/galefa*
5. *Go semelela mo tirong- Go dira ka thata*

## Kgolo ya poloto

### Tshimologo e mo dikgaolong tsa 1 le 2

Thaologo ya ditiragalo ke fa Kgori rraagwe Matsetseleko, yo o leng mogotsamolelo kwa kgosing, a batla gore a tswelletse tiro ya gagwe mme Matsetseleko o kgatlhanong le se.



## TIRWANA YA 1



Buisa nopolong e e latelang, mme o arabe dipotso.

O ne a tlhaga a sumakaka, dinko a di famotse jaaka pitse ya lebelo e digela motabogo wa yona. Sejanaga se ne se eme, se rora jaaka ntšwa ya phefo e kgalema dikoko di leka go e jela dijo.

Bonolo o ne a fologa sejanaga, a tla a mo setse morago. Ba ya jalo ba salane morago go fitlhelela ba bo ba tsena ka kgorwana. Yoo e ne e le Bra Boots. O ne a bidiwa jalo gonne a ne a itse go pega seganana mphaatšhane tota.

DIPOTSO TSA TIRWANA YA 1			
	1	Bonolo ke mang?	(1)
	2	Neela leina le sefane sa ga Bra Boots	(1)
	3	Tlhalosa lebaka le le dirileng gore baanelwa ba ba mo nopolong e, ba kopane.	(2)
	4	Baanelwa ba, ba fologa sejanaga jaana ba lebile kae?	(1)



	5	Tlhagisa lebakalegolo le le tlhodileng gore Bra Boots a bidiwe?	(2)
 <b>Tlhokomela se!</b>	6	Dikgotlhang di le pedi tse di tlhagelelelang mo kgaolong e, ke dife? Tshegetsa karabo ya gago ka dintlha.	(4)
	7	Morero wa padi o tlhagiswa ke nngwe ya dikgotlhang tse di fa godimo, tlhagisa morero.	(2)
	8	Kwala tshobotsi ya ga Kelogile ka dintlha di le nne.	(4)
 Morero ke thitokgang kgotsa kgangkgolo ya ...	9	Ka ntlha fela, tlhagisa semelo sa moanelwa Matsetseleko mo kgaolong e.	(2)
	10	Go ya ka wena, a leina la mosweu Kalatšhane le maleba?	(2)
	11.	A go siame go pateletsa ngwana wa gago go tsaya tiro e o e dirang?	(2)
			[25]

## Tshobokanyo ya Kgaolo 2

- Matsetseleko o goroga kwa motseng wa Kgalagadi, a gorogela kwa lebenkeleng la ga Segonyamatlho. Ga a na marobalo ka a sa itse ope kwa teng. Segonyamatlho o a mo ithuela.
- Segonyamatlho o kopa gore a mo thuse mo lebenkeleng, a eta a mo roma fa go tlhokegang mme o mo itsise fa a ka se mo neele tuelo ka a mo neela maroko le dijo.
- Matsetseleko o mmolelela gore o ile go batla tiro kwa meepong e e kwa Madibeng ka a bone phasalatso ya gore ba batla batho ba ba tlaa thusang ka go nna batlhopi le batlhokomedi ba ditaemane.
- Kwa moepong Matsetseleko ga a tsamaye sentle, o boela morago kwa ga Segonyamatlho. O mmolelela fa a dirisitse aterese ya gagwe gore a amogele makwalo mo go yona.
- Ba lelapa la ga Segonyamatlho ba tshwere Matsetseleko bontle tota, ba mo kopa gore a nne a ntse a nna le bona, go fitlhela a bona tiro kwa meepong.

### Tlotlofoko ya Kgaolo ya 2

1. *Ithuela - go ithaopa/go mo letla go nna le ena*
2. *A sosologe – a repe, a phuthologe/a iketle*





## TIRWANA YA 2


Buisa nopollo e e latelang, mme o arabe dipotso.

Matsetseleko o ne a tswa mo lebenkeleng, a tsere halofo ya senkgwe le tlhapi. A potela ka lebotana, a nna fa fatshe. Maikutlo a moeka a ne a le mo go se a tswang go se bona mo loboteng, diphatlhatiro kwa meepong. O ne a simolola ka go tsenelela senkgwe le tlhatswana ka meno, a di robelela ka meno jaaka ntšwa ya mokgee e kometsa dikokwana di latlhilwe ke mmaatsona.

Matsetseleko o ne a leba letsatsi jaaka le fologela ka kgala ya Bophirima. A utlwa a engwe ke kweleta mo mometsong, fa a gopola fa a nnyetse didiba kwa a tswang teng. Dikakanyo di ne tsa mo tlela, tsa nna mafaratlhatlha jaaka mebitlwa ya noko e a tle e dire, fa e tlhaselwa ke batsomi. Maikutlo a gagwe a ne a kokobela moragonyana, fa a gopola mafoko a monna yole wa mosweu.

DIPOTSO TSA TIRWANA YA 2			
	1	Neela leina la lebenkele le Matsetseleko a leng kwa go lona?	(2)
	2	Tlhalosa ka boripana gore ke ka goreng le bitlwa jalo?	(2)
	3	Leina la mosweu ke mang?	(1)
 <b>Tlhokomela se!</b>	4	Maikutlo a a tlhagelelang mo nopolong e, a moanelwa ke afe?	(2)
 Maikutlo, a tshegetswa ka metlha!	5	O ne o ka ikutlwa jang fa o ne o le Matsetseleko mme letsatsi le go welela mo motseng o o sa o itseng? Tshegetsa ka lebaka.	(2)
	6	Monna wa mosweu o tswetsa jang morero wa padi?	(2)
	7	A o nagana gore Matsetseleko o ne a ikwatlhaela go ngweega kwa gae. Setlela ka lebaka.	(2)

	8	A setaele sa mokwadi se go thusa go itsenya mo ditlhakong tsa ga Matsetseleko?	(2)
	9	Kwala tshobotsi ya ga Segonyamatlho ka dintlha di le nne.	(4 )
	10	O itse eng ka meepo ya Madibeng?	(2)
	11.	Tlhagisa ka dintlha di le pedi ka semelo sa ga Segonyamatlho?	(2)

<b>Dikgaolo tsa 3, 4, 5, 6 le 7</b>	
-------------------------------------	--

### Tshobokanyo ya Kgaolo ya 3

- Palesa le Matsetseleko ke baratani ba mo sephiring. Palesa o ipotsa dipotso di le dintsi tse di se nang dikarabo gore ke ka ntlha ya eng Matsetseleko a tsamaile mo gae a sa mmolelela.
- Maikutlo a, a fetola semelo sa ga Palesa. O simolola go felafela pelo le fa go sa twe sepe. O nna mophelanoswa kwa sekolong le go bontsha kwelotlase mo dithutong tsa gagwe.
- Mmathapelo o mo susumeletsa go mmolelela gore o tlhorontshiwa ke eng mo moweng. Morago ga go akanya lobakanyana, Palesa o mmolelela ka go ngweega ga ga Matsetseleko le kamano ya bona.
- Mmathapelo o a mo kgothatsa le go mo lemosa fa Matsetseleko a na le maikarabelo ka a le botlhale ka tlhago e bile o na le maitemogelo a botshelo. Botsala jwa bona bo a gola, bo kitlana thata.
- Kelogile o ja Bra Boots ka meno, fa a tlile go mmegelela ka tswelelopele ya patlo ya ga Matsetseleko. Kelogile o mo lemosa fa go fetile dikgwedi di le tharo morwae a nyeletse mme go se motlhala ope gore o tlaa bonwa.
- Bra Boots o tlhalosa fa tiro ya gagwe e ketefatswa ke go se itse Matsetseleko sentle, a kopa setshwantsho sa gagwe gore se nolofaletse patlo ya gagwe.
- Kelogile o mo neela sa lokwaloitshupo. Bra Boots o kaya fa se tlaa mo tswela mosola mo patlong ya gagwe, o solofetsa go batla Matsetseleko kwa dintlheng tsa Kgaladi ka a dumela fa badiri ba meepo ba nna koo.

#### *Tlotlofoko ya Kgaolo ya 3*

1. *Go felafela pelo- Go tenegatenega le fa go sa twe sepe.*
2. *Tshutshumeletsa – Gapeletsa*
3. *Tlhorontshiwa – tshwengwa/bogisiwa*
4. *Go ja motho ka meno- Go omanya ..*

## Kgolo ya poloto

### Thatafalo/tlhakatlhakano

Thatafalo/tlhakatlhakano e simolola fa Bra Boots a tswa letsholo go batla Matsetseleko gonne a lopilwe ke Kelogile. Patlo ya gagwe e kopakopantshwa le go thatafatswa ke tshobotsi e e fetogileng ya ga Matsetseleko. Pelo e e lefuto, e e tletseng boikotlhao ya tsenya Kgori ka lebitla.



## TIRWANA YA 3

Buisa nopolong e e latelang, mme o arabe dipotso.

Pelo ya ga Palesa e ne ya fuduega thata ka nako e Matsetseleko a neng a nyelela ka yona. O ne a sala a ipotsa dipotso di sena tekanyo a bo a boe a ikarabe, gonne Matsetseleko a tsene jalo ka lenga la seloko, a sa mmolelela sepe le go mo tsibosa ka maikaelelelo a gagwe. Palesa o ne a sala e kete o tseetswe dithulelo, ka a ne a ikutlwa a setse fela mo sebakabakeng. O ne a simolola go nna le mekgwanyana e mengwe e e sa tlwaelegang, jaaka go felafela pelo go sa twe sepe, go itlhaola gotlhelele mo barutwaneng ka ene le go sa reetse ka botlalo kwa gae le mo dithutong tsa gagwe.

### DIPOTSO TSA TIRWANA YA 3

DIPOTSO TSA TIRWANA YA 3		
1	Palesa ke mang?	(1)
2	O tsalana jang le Matsetseleko?	(2)
3	Lenga la seloko le Matsetseleko a tseneng ka lona ke lefe?	(1)
4	Tlhagisa bokao jo mokwadi a bo kayang fa a re Matsetseleko o tsene ka lenga la seloko?	(2)
5	Tlhalosa gore go tewa eng ka go ikutlwa e kete o tseetswe dithulelo.	(2)
6	Maikutlo a a tlhagelelang mo nopolong e, a ga Palesa ke afe?	(2)
7	Ke mang yo o neng a lemoga fa Palesa a tshwenyegile?	(1)
8	Bapisa ka boripana lemorago la ga Palesa le Matsetseleko.	(2)
9	Kwala tshobotsi ya ga Bra Boots ka dintlha di le nne.	(4)

10	Botsalano jwa ga Bra Boots le Mmathapelo ke bofe?	(2)
11.	Diphithhelelo tsa ga Bra Boots ka letsholo la gagwe ka nako e, e ne e le dife?	(2)
12	Bra Boots o ne a dira eng se a neng a nagana se ka mo thologa mokgosi mo letsholong la gagwe?	(2)
		[25]

#### Tshobokanyo ya Kgaolo 4

- Matsetseleko o repile e bile ga go letsapa le le mo fisang pelo, o ja mokaragana.
- Bra Boots o batla Matsetseleko kwa moepong wa Kgaladi. Tshedimosetso e a e bonang kwa moepong ke rekoto ya aterese e e tlogetsweng ke Matsetseleko fa a ne a ile go batla tiro. Bra Boots o gorogela kwa Rebawetse General Dealer go ya ka tshedimosetso e a ineetsweng.
- Matsetseleko o tsenela Bra Boots mo sekgweng, fa a mmotsa ka motho yo a leng mo motlhaleng wa gagwe, o iphetola leina fa a botswa gore ke mang, o kaya fa ena e le Job Dikgole.
- Fa a mmontsha setshwantsho, Matsetseleko o tthalosa fa motho yo o leng mo setshwantshong, e le tsala ya gagwe, yo o dikileng a batlana le tiro mo Kgaladi go fitlhela a itlhoboga. Ga jaana o fudugetse kwa Bojanala go ya go leka gona.
- Bra Boots le fa gona a sa wele pelo ke dikarabo tse, kwa bofelong o a di amogela, o tsamaya a itlhobogile.
- Matsetseleko o sala a bolelela Segonyamatlho ka ga se se diragetseng. O tthalosa fa patlo ya ga Bra Boots e rotloediwa ke batsadi ba gagwe kwa gae. Segonyamatlho le fa a tshosiwa ke tshedimosetso e, o ikana go tswela go mo ema nokeng go fitlhela a bona tiro.

#### Tlotlofoko ya Kgaolo ya 4



1. *Repile- Ikettile*
2. *A ja mokaragano- A itumetse*
3. *Go tsenela mo sekgweng- Go mo itumelela*
4. *Go sa wele pelo- Go sa kgotsofale.*
5. *Go ema nokeng- Go tshegetsatsa*



## TIRWANA YA 4

Buisa nopolong e e latelang, mme o arabe dipotso.

- Bothata bo ne bo le bongwe fela jaanong, ditlhaa tsa ga Matsetseleko di ne di sa tlhole di wetse jaaka mo nakong e e fetileng le mo setshwantshong. Moeka o ne a na le marama a makima a a borethe jaaka a lekgarebe rralona e le sekgorane, fa godimo ga molomo o ne a setse a dule moritshana o o boleta, go iponatsa fa ditetswana di ne di budusetsa. Matlho a gagwe a ne a tihapile a le maswaana, a sa tlhole a tswana le nako e a neng a tswa gae ka yona.

DIPOTSO TSA TIRWANA YA 4			
	1	Bothata jo bo tlhagiswang mo nopolong ke jwa ga mang?	(1)
	2	Tiriso ya lefoko bothata e na le bokao bofe?	(2)
	3	Maitshetlego a ditiragalo tse di fa godimo ke afe?	(1)
	4	Tlhagisa maikaelelo a mokwadi a go fetola tshobotsi ya ga Matsetseleko?	(2)
	5	Fa tshobotsi ya ga Matsetseleko e ne e sa fetoga go ka bo go diragetse eng ka ditiragalo?	(2)
	6	Maikutlo a ga Matsetseleko a a tlhagelelang mo nopolong ke afe?	(2)
 <p><b>Tlhokomela se!</b></p>	7	Go nna lobaka ga ga Matsetseleko kwa ga Segonyamatlho go senola semelo sefe ka ba lelapa le?	(2)
 <p>Semelo ke mekgwa ya motho e e senolwang ke ditiro /nuo .</p>	8	Go bulela Segonyamatlho mafatlha go re lemosa eng ka botsalano jwa bona?	(2)

	9	Kwala semelo sa ga Segonyamatlho ka dintlha di le nne.	(4 )
	10	Tlhagisa dintlha di le pedi ka tshobotsi ya ga Matsetseleko kwa Phiritshweu e e dirang gore a se lemogwe?	(2)
	11.	Lebaka le le dirileng gore Bra Boots a beye leoto la gagwe kwa lebenkeleng la ga Segonyamatlho ke lefe?	(2)
	12	Bra Boots o ne a dira eng se a neng a nagana gore se ka mo tshologa mokgosi mo letsholong la gagwe?	(2)
			[25]

### Tshobokanyo ya Kgaolo ya 5

- Mo kgaolong e, re gorosiwa mo nakong e dikolo di ipaakanyetsang dikgaisano tsa mmimo wa dikolo tse dikgolwane.
- Go phasaladiwa, mo thelebišeneng maina a dikolo tse di tsayang karolo mo dikgaisanong tse. Leina la sekolo, Obakeng se Palesa e leng morutwana kwa go sona se a umakiwa.
- Matsetseleko o nna le phisego ya go ema dikgaisano mo nokeng ka ntlha ya fa a na le tsholofelo ya go kopana le Palesa mokapelo wa gagwe.
- Matsetseleko o bona Mmathapelo le Palesa ba kgabola mo thelebišeneng. Pono e, e mo gopotsa di letseng tse di mo tshabisitseng kwa gaabo.
- O fisegela go boela gae, gore le ene a tshwane le bana ba bangwe, batsadi ba gagwe ba ipele ka ena.
- Matsetseleko o ne a na le lerato la nnete mo go Palesa, o ikana gore ga go ope yo a tlaa ratanang le ena e bile ga go ope yo o tlaa nyalang Palesa fa e se ena.
- Kwa Dikhudung, Matsetseleko o reeditse tiragatso ya ditlhopho tsa mmimo tse di farologaneng mme fa sa Obakeng se fetsa, o tswa ka iketlo, o ya kwa ntle maikaelelo e le go bona Palesa.
- Mo kopanong ya bona, Matsetseleko o swa ka lehunelo, ga a ntshe sephiri sa gore o nna kae le gore o ngwegetse eng kwa gae. O solofetsa Palesa gore o tlaa tla gae morago ga dikgwedi tse tharo.
- Lerato la bona le tuka malakabe. Ba dira maikano le go solofetsana gore ga go sepe se se tlaa tsenang lerato la bona ka bogare. Moatlano wa bona o ne wa lebatla Palesa nako e e beilweng ya go boela gae.

- Mo beseng e e boelang Phiritshweu, kgang ke ka ga Matsetseleko fela, le ba ba sa mo itseng ba ne ba latlhela tlhware legonyana.
- Morago ga dikgaisano tsa mmino kwa Dikhudung, pitsana ya morogo wa lerotho e a khurumololwa, ka sephiri sa lorato lwa ga Matsetseleko le Palesa se tswela mo pepeneneng.

Tlotlofoko ya Kgaolo ya 5

1. Phisego- Keletso
2. Kgabola- Tlhagelela
3. Go latlhela tlhware legonyana- Go bua sengwe





## TIRWANA YA 5

Buisa nopo e e latelang, mme o arabe dipotso.

Matlho a ga Matsetseleko a ne a simolola go gelela dikeledi, pelo ya ruruga e kete e topeditswe bothole jwa mokwepa. Le gale, a itshwara, a nona pelo ka mathe, a swa senku. Matsetseleko o ne a setse a itlwaeletse go tshela jalo. Le fa a ka re o itebatsa tsa kwa a tswang tsothle, segakolodi sa gagwe se ne sa mo kubugela a itebatse, mme boitumelo jwa gagwe jwa nakwana bo fetoge go galaka jaaka santlhokwe e e bothoko thata.

DIPOTSO TSA TIRWANA YA 5			
	1	Ke eng tota se se hutsafaditseng Matsetseleko?	(2)
	2	Tlhalosa se se neng se farologanya Kgaladi le Dikhudung?	(2)
	3	Leina la sekolo sa ga Palesa le Mmathapelo se bidiwa mang?	(1)
	4	Maikaelelo a mokwadi a tlhagiso ya dikgaisano tsa dikopelo mo thelebišeneng ke afe?	(2)
	5	Fa tshobotsi ya ga Matsetseleko e ne e sa fetoga go ka bo go diragetse eng ka ditiragalo?	(2)
	6	Ke dikeletso dife di le pedi tse Matsetseleko a neng a na le tsona mo botshelong?	(4)



	7	Bapisa kgosi Kgololo le banna ba lekgotla?	(4)
	8	Tlhagisa ditshobotsi di le pedi tseo Mmathapelo le Palesa ba tshwanang ka tsona le di le pedi tseo ba farologanang ka tsona?	(4)
	9	A Palesa o ne a fitlhelela maitlhommo a gagwe a go itse gore Matsetseleko o ne a itshubile kae.	(2 )
 <b>Tlhokomela se!</b>	10	Go lotlegela Mmathapelo ka kopano ya gagwe le Matsetseleko go ne go senola eng ka botsalano jwa bona?	(2)
 Ditiragalo, Puo le semelo di na le seabe mo kgodisong ya ditiragalo.	11.	Dipuopuo tsa go bonwa ga Matsetseleko go nnile le seabe sefe mo kgodisong ya ditiragalo?	(2)
			[25]

## Tshobokanyo ya Kgaolo ya 6

- Kwa Dikhudung go fitlha mo ditsebeng tsa batsadi ba gagwe.
- Kelogile o tsenwa ke tsebetsebe, o batla go itse bonnete jwa kang e sentle, o boa fela ka nngoba e sa fothwa. O neela marapo go mogatse go tswela go batlisisa bonnete jwa yona, monnamogolo ga a bontshe kgatlhego.
- Dikgang tse, di goroga mo ditsebeng tsa ga kgosi Kgololo mme ena o bona bonnete go tswa mo mosimaneng yo o romilweng ke Matsetseleko go mmiletsa Palesa fa ba le kwa Dikhudung.
- Mosimane yo o tshalosa gore Matsetseleko o mo romile go mmiletsa Palesa. Palesa ka a ne a sa itse gore o bidiwa ke mang, Mmathapelo o a mo felegetsa. Palesa o lemoga gore o bitswa ke Matsetseleko, mosimane yo le Mmathapelo ba a ba sutela gore ba kgone go bua dikgang tsa bona.
- Palesa o kopana le Matsetseleko, o akabetse, o tsenwa ke letshogo le legolo gore a ke nnete se matlho a gagwe a se bonang. Matsetseleko le ena o tshogile, ga a itse gore a simolole kang jang. O gogela Palesa fa go ene, o mmontsha lerato la gagwe, o mmita 'mothonyana wa me'.

- Palesa o leka ka bojotle gore Matsetseleko a mmolelele gore o nna kae mme Matsetseleko o gana nnang ya banyana, o swa ka lehunelo.
- Kopano ya ga Palesa le Matsetseleko e tshwenya kgosi mo moweng, o ipotsa gore lobaka lo go tweng ba lo ntse ba bua, ba ne ba bua ka eng.
- Kgosi o roma Masedi kwa go Palesa go mo fatolola ka tsotle tse di diragetseng kwa Dikhudung. Ka Palesa a sa tswa ka nnete yotle, Kgosi a mo ithoma.
- Kgosi o mmotsolotsa ka botlhale go fitlhela Palesa a mo itsise gore Matsetseleko o batla go boela gae mme go na le maparego a a mo kganelang e bong bogwenegwene jwa banna ba lekgotla, go boifa rraagwe le banna ba lekgotla.
- Kgosi o tshwara kopano le banna ba lekgotla, o ba lemosa diphoso tsa bona le go kgalemela maitshwaro a bona.
- Kopana ya ga Kgosi le Kgori e tsala maikutlo a boikotlhao mo go Kgori gore ke ena yo o dirileng gore Matsetseleko a tshabe. O ikotlhaela go bo a lemoga fa a sentse bokamoso jwa ngwana wa gagwe.
- Matsetseleko o amogela lekwalo la go thapiwa ga gagwe kwa meepong ya matikiri ya Madibeng. O thapiwa jaaka motsamaisi wa lebanta. Morago ga dikgwedi di le supa o thathosiwa go ya kwa diofising tsa motlakase. O dira tiro ya gagwe ka matsetseleko, mafolofolo le ka boineelo. Bathapi ba swetsa gore a tsenele dithutano tsa boithutlotirong, mo a kopanang le Kukama jaaka badirimogo.
- Bobedi jo bo pataganela tiro e ka kutlwano le ka manontlotlho.

Tlotlofoko ya Kgaolo ya 6

1. *Go boa ka nngoba e sa fothwa- Go boa o sa tshola sepe.*
2. *Akabetse- A gakgametse*
3. *Bogwenegwene- Boferefere*



## TIRWANA YA 6

Buisa nopollo e e latelang, mme o arabe dipotso.

Palesa o ne a itsise rraagwe gore Matsetseleko o eletsa go boela gae, mme o boifa rraagwe le banna ba lekgotla. Matsetseleko o ne a boletse Palesa ka dilo dingwe tse di neng di diragala mo motseng, mme kgosi yona e sa di itse. Bogwenegwene jwa banna ba lekgotla. Kgosi Kgololo ga a ka a rata seo. E ne ya re morago ga matsatsi a se kae. Kgosi a biletsa boraakabapetse kwa kgotla go tla go tšhotlha seo. O ile a ba lopa go phuthulola dipelo le go nna le phisego ya go batla morwaabone. A boa a laela banna ba lekgotla go dirisana le morafe sentle, le go tlogela go itseela molao mo matsogong. Kopano eo e ne ya simolola e le nnye, mme ya godisiwa ke tšhagalo ya ga kgosi ka a ne a lemoga fa maemo a tswa mo taolong, banna ba lekgotla ba setse ba iphetotse dikgosi tsa motse wa gagwe, e bile ba setse ba kgona go atholela batho bangwe mo sephiring.

### DIPOTSO TSA TIRWANA YA 6

1	Palesa o bonwe ke bomang gore o na le sephiri?	(2)
2	Palesa o ne a lelela eng fa a kopana le Matsetseleko?	(2)
3	Mmuisano wa ga Kgosi Kgololo le Palesa morago ga dikgaisano o senola dimelo dife tsa bona?	(4)
4	Palesa o ne a neela rraagwe tshedimotsetso efe ka Matsetseleko?	(2)
5	Lekwalo le Matsetseleko a le boneng le ne le tswa kae mme le amile botshelo jwa gagwe jang?	(2)
6	Tsibogo ya ga Matsetseleko e ne e bontsha maikutlo afe?	(2)
7	Ke tshusumetso efe e Kgosi a nnileng le yona morago ga kgalemo ya gagwe mo banneng ba lekgotla.	(2)
8	Matsetseleko ke senatla mo tirong. Tshegetsisa tlhagiso e, ka go neela dintlha di le pedi.	(4)
9	Kukama ke mang?	(1)
10	Tlhagisa dilo di le pedi tseo Kukama a neng a di ratela Matsetseleko.	(2)

11	Bokao jwa toro ya ga Matsetseleko ya go tshelwa lookwane e bontsha maemo afe, a Matsetseleko le Kgori ba leng mo go ona?	(2)
		[25]

### Tshobokanyo ya Kgaolo ya 7

- Lefapha la dipusoselegae le matlo le thankgolola manaane a kagosešwa le ditlhabololo go ralala metse le metsana go tsenyeletsa le Phiritshweu. Manaane a lebisitswe mo ditlhokegong tsa morafe jaaka dipompo tsa metsi a a phepa, tlhabololo ya ditsela, mafaratlhatlha a motlakase le tlhaeletsano, tlhabololo ya tsa thuto le dikolo. Kwa Phiritshweu lenaane le le tlhomilwe ka kgwedi ya Tlhakole wa ngwaga o le thankgolotsweng ka ona.
- Kgosi Kgololo o epa pitso ya kgothakgothe moo morafe o tlhalosetswang maikaelelo a puso ka lenaane le.
- Go lemosoga fa mo motseng wa Phiritshweu go tsenngwa ga ditlhokego tse di umakilweng e tlaa nna namane e tona ya tiro ka ntlha ya fa motse o agilwe mo godimo ga dithota le dithotana e bile melapo le melatswana e kgabaganya motse ka bogare.
- Tsholofetso e nna gore ka ntlha ya dikgoreletsi tse, go simololwe ka lenaane la tlhabololo ya thuto le dikolo gore fa ngwaga o fela ga bo go na le tema.
- Banna ba lekgotla le baeletsi ba kgosi ba a ngongorega ka manaane a, ba tsaya fa ba amoga dithata le go nyeletsa bogosi jwa bona. Se, se tlisa ketsaetsego go kgosi go fitlhela Palesa le mmaagwe ba tsereganya ka go ema kgosi nokeng.
- Ba gakolola kgosi go ikgatolosa dipuo le dikgakololo tsa banna ba lekgotla le baeletsi ba kgosi tse di mabapi le go nna kगतलhanong le maikaelelo a puso.
- Ba gakolola kgosi go ya kwa dikantorong tsa porofense tsa Ntlo ya Dikgosi go ya go bona tshedimose tso e e maleba.
- Banna ba lekgotla le baeletsi ba kgosi ba megagaru, ba lebile dikगतलhego tsa bona e seng tsa morafe. Ba ikगतलholosa matlhotlhapelo a a fitlhelwang mo Phiritshweu, ga go na ditsela, motlakase, metsi a a phepa, megala le ditlamelo tsa thuto ya segompiono.
- Kgosi Kgololo o unngwa tshedimose tso e e maleba mabapi le manaane a puso mo metseng le metsaneng e e farologaneng fa a tswa kwa Ntlo ya Dikgosi ya Porofense. O epa pitso ya morafe go ba tlhalosetsa ka maikaelelo a mantle a a lerweng ke manaane a.
- Kgori le banna bangwe ba lekgotla ba tswela go nna kगतलhanong le maikaelelo a, ba supa fa kgosi e rekisetsa basweu lefatshe la bona.

- Kgosi Kgololo o ikgatholosa bona. O neelana ka setsha gore go agiwe THUTO – KGOLOLO FET COLLEGE mo go sona.
- Mo tlhanaselong e e neng e rena ya ditlhabololo mo Phiritshweu, Bra Boots o ile a itelekela kwa gaabo Matsetseleko letsatsi lengwe. A ba tiisa mooko fa a sa phuaganya patlo ya morwaabona. Ka nako e, Kgori o ne a bontsha a tsofetse e bile a godile. Morago ga gore Kelogile a ntshe Bra Boots ka kgorwana, o fitlhetse mogatse a latswitse kika.

Tlotlofoko ya Kgaolo ya 7

1. Go thankgolola- Go simolola
2. Ketsaetsego- Go se iketle
3. Ikgatolosa- Itlhokomolola
4. Go tiisa mooko- Go neelana ka tsholofelo
5. Go latswa kika- Go tlhokafala



## TIRWANA YA 7

Buisa nopolo e e latelang, mme o arabe dipotso.

Le fa tota magosana a ne a tlhotlheletsa morafe go ganana le ditlhabololo mo motseng wa bona, Phiritshweu o ne a sena sepe fela. Go ne go sena megala, motlakase, ditsela tse di siameng, dipompo tsa metsi a a phepa le ditlamelo tsa thuto tse di maleba tsa segompieno. Baagi ba Phiritshweu ba ne ba nwa metsi mo melapong le mo didibeng. Go le kantoronyana ya bogologolo ya poso koo, eo makwalo a yona a neng a tla gangwe fela ka beke.

DIPOTSO TSA TIRWANA YA 7		
1	Ke bomang ba ba neng ba tlhoma manaane a kago sešwa go ralala metse le metsana?	(1)
2	Neela dilo di le tharo fela tse manaane a, a neng a di lebisitse?	(3)
3	Tshwenyego ya dikgosi ka manaane a e ne le efe?	(2)
4	Ke eng se se neng sa dira Bra Boots gore a nyelele lobakana fa a tlhalosetsa booraKebapetse?	(2)
5	Tlhagisa tiragalokgolo morago ga ketelo ya ga Bra Boots.	(2)
		[10]

**Tshobokanyo ya Kgaolo ya 8**

- Palesa le Mmathapelo ba falotse materiki mme ba a kgaogana. Mmathapelo o tswelletsa dithuto tsa gagwe kwa Thuto- kgololo FET College. Palesa ena o leba kwa yunibesithing ya Tshwane.
- Mo gare ga batlhatlheledi ba Thuto – Kgololo, go na le Baagileng Bothobokae yo o feleletsang a ratana le Mmathapelo.
- Kwa yunibesithi ya Tshwane Palesa o dira diaba mo dikgaisanong tsa puo. Kgosi Kgololo o laleditswe, mme o kopa Baagileng go mo emela, ka ena le Masedi ba na le ditshwarego tsa morafe.
- Baagileng o ya kwa Tshwane, a thobela Mmathapelo le mororo lerato la bona le tuka malakabe.
- Baagileng o eletsa go ipona a tlhakanetse dikobo le Palesa, ntswa Palesa le Mmathapelo e le ditsala tse di ntshanang se inong.
- Mmathapelo o leba Tshwane go bona maikaelelo a ga Baagileng, ka a tsamaile a sa mo laela go ya go etleletsa tsala ya gagwe, Palesa.

**Tlotlofoko ya Kgaolo ya 8**

1. Ditshwarego – mekgaphe e mengwe.
2. Thobela – go tshabela motho.
3. Go tlhanela dikobo – go robala mmogo le motho yo mongwe.
4. Go ntshana se inong – go utlwana thata.



## TIRWANA YA 8

### **Kgolo ya poloto**

Dinokwane tse di neng di palamisitse Matsetseleko di tlhasela Bra Boots mme o tseelwa bookelong. Matsetseleko o a tshwarwa morago ga go gololwa kwa bookelong ka a ne a bone dikgobalo.

### **Tharabololo**

Bra Boots o neelana ka tshedimosetso kwa kgotla e e dirileng gore Matsetseleko a se amanngwe le tlhaselo ya gagwe. Matsetseleko o boela gae, o kopa go tlhomolwa mmutlwa mme Kelogile o dira jalo.

- **Bokhutlo**

Matsetseleko o tswetsa kitso e a e ungwileng kwa meepong mo diporojekeng tse di neng di le teng mo Phiritshweu. O nyala Palesa. Matsetseleko o tlhongwa go nna kgosi ya motse le go nna rratoropo.

Buisa nopollo e e latelang, mme o arabe dipotso.

Masedi mmaagwe Palesa, o ne a bona fa Baagileng e le lekawana le le tlhaga, e bile a itse go le gontsi ka dithuto tsa ditso le dingwao. Ka jalo, a bona fa e le ene yo ba ka mo romelang kwa Tshwane go ya go ba emela kwa moletlong wa boPalesa. Kgosi le Mmakgosi ba ne ba dumelana fela ka bongwe jwa pelo, kang eo ba e tswala. Tshetlho o ne a bidiwa mme a rongwa kwa dikagong tsa batlhatlheledi kwa Kgosi Kgololo FET College go itsise Baagileng fa kgosi e batla go mmona mo letsatsing le le latelang.

<b>DIPOTSO TSA TIRWANA YA 8</b>		
1	Ka dintlha di le pedi tthalosa gore Baagileng ke mang?	(2)
2	Neela lebaka le le dirang gore go romelwe Baagileng kwa yunibesithing ya Tshwane?	(2)
3	Bapisa Matsetseleko le Baagileng?	(2)
4	Kopano ya ga Baagileng le Palesa e totobatsa semelo sefe sa ga Baagileng? Tshegetsisa tlhagiso e.	(2)
5	Tthalosa kamano ya ga Mmathapelo le Baagileng?	(2)
6	Go ya ka wena, a sefane sa ga Baagileng se maleba mo go ena?	(2)
		[12]

### **Tshobokanyo ya Kgaolo ya 9**

- Baagileng o amogetswe sentle kwa Tshwane ka a emetse kgosi. O beelwa marobalo kwa Kopadilalelo City Lodge.
- Palesa o ya kwa hoteleng, go kopana le go ikitsise go morongwa wa ga rraagwe. Ba tlotla go le gontsi ka tsa kwa Phiritshweu. Baagileng ga a bue sepe ka kgolagano ya gagwe le Mmathapelo.
- Maitseboa a goroga, dikgaisano di a simolola mme tsotlhe di tsamaya ka thelelo.
- Palesa o bona maemo a ntlha mmogo le mosimane mongwe go tswa kwa yunibesithi ya Thekwini.
- Fa ba le kwa dijong, Baagileng o nnela go tshelela Palesa beine ka maikaelelo a go mo tagisa gore a tle a ipale mabala a kgaka.
- Palesa o simolola go lotlegela Baagileng ka lekau la gagwe e bong Matsetseleko.
- Morago ga dilalelo, Baagileng o tseela Palesa kwa marobalong, Mmathapelo le ena o goroga sentle kwa Tshwane.
- Ka thuso ya mosimane wa setheo sa tshireletso, Mmathapelo o fitlha kwa marobalong a ga Baagileng, o itatlhela mo phaposing a sa kokota. O idibatswa ke go se tshepe se matlho a gagwe a mmontshang sona, e le fa Baagileng le Palesa ba tlamparelane.



- Mmathapelo o romelwa bookelong a patilwe ke Palesa. Fa Mmathapelo a itharabologelwa, o gasa Palesa ka santlhoko o mmolelela fa e le seaka, a tseela batho banna. Ntwa e a runya mme Palesa o a ikarabela. Ngaka Aphane o a ba ruanya le go ba rotloetsa go simolola lenaanetsiboso. Ba thobega matswalo, ba a itshwarelana.

#### Tlotlofoko ya Kgaolo ya 9

1. Thekwini - Durban
2. Go ipala mabala a kgaka - go kopa lorato mo mosetsaneng.
3. Dilalelo - dijo tsa maitsibowa.
4. Go gasa ka santlhoka - go fa motho mafoko a a utlwisang botlhoko jaaka dithapa.



## TIRWANA YA 9

Buisa nopollo e e latelang, mme o arabe dipotso.

Palesa o ne a utlwa tseo tsotlhe, a utlwa a tsewa ke sedidi ka a sena dikarabo tsa ga Baagileng, a tlaela a ba a tlhoka molomo. Kwa bofelong Palesa o ne a tlelwa ke maikutlo a gagwe, mme a simolola go tseela Baagileng kgang ka lekau la gagwe la ditiro le bokamoso, Matsetseleko. Palesa o ne a tthalosa ka mokgwa o a ratang Matsetseleko ka ona e bile a ikaeletse go mo leta go fitlhelela a bo a boela gae. O ne gape a boa a tthalosetsa Baagileng gore mo go tsotlhe tse a di dirang, o tlotlheleditswe ke Kgosi Kgololo, rraagwe le Matsetseleko, lekau la gagwe.

<b>DIPOTSO TSA TIRWANA YA 9</b>		
1	Baanelwa ba ba tlhagiswang mo nopolong ba kwa kae?	(2)
2	Neela maina a bakapelo ba baanelwa ba?	(2)
3	Tlhalosa se Mmathapelo a neng a se fitlhela mo phaposing ya nomoro ya 34?	(2)
4	Fa e ne e le wena Mmathapelo o fitlhela maemo a a sa itumediseng, a o sa a solofelang, o ne o tlaa dira eng?	(2)
5	A go bidiwa ga ngaka Tilodi go tsereganya go ne go le maleba go ya ka maemo a gagwe? Tshegetsa ka lebaka.	(2)
6	Tiragalo e e diragetseng magareng ga Palesa, Baagileng le Mmathapelo e re ruta eng mo botshelong?	(2)
		[12]

### **Tshobokanyo ya kgaolo ya 10**

- Baagileng o boela kwa Phiritshweu, o lotlegela Kgosi Kgololo ka tsa kwa dikgaisanong, fela ga a umake sepe sa kwa Kopadilalelo City Lodge. Kgosi e itumelela phenyo ya ga Palesa.
- Mmathapelo o ntsha se se mo mafatlheng a gagwe, ka matlhabisaditlhong a go nna matlhomantsi ga ga Baagileng. O a mo phuaganya.
- Ka malatsi a boikhutso, Palesa o tla gae, ena le Mmathapelo ba golagana go tsamaisa lenaanetsiboso la bolwetse jwa HIV/ AIDS.
- Ngwaga o mošwa wa goroga, Palesa o boela yunibesithi kwa Tshwane fa Mmathapelo ena a tswelapele ka dithuto tsa gagwe kwa Thuto - Kgololo FET College.
- Bra Boots o tlathosiwa go nna mokapoteine wa mapodisi, o tswelatsa pele letsholo la go batlana le Matsetseleko.
- Mo letsholopatlong le, Bra Boots o tlaselwa ke dinokwane tse di mo tseelang sejanaga, tsa mo tlogela a rapaletse. O kgaratlhela go tsoga mme o a palelwa, o feleletsa a idibetse.
- Monna wa mopotokisi wa lebenkele o leletsa mapodisi le ba bookelo mogala. Mapodisi a leka go lelekisa dinokwane tse di le boditseng phokojwe. Bra Boots o tselwa kwa bookelong.

- Letsatsi la kotsi ga le itsiwe, Matsetseleko o ntse a sa dirise sejanaga sa gagwe mo malatsing ao. O ikopa kwa tirong go ya go ipaakanyetsa ditlhatlhobo. Sepalangwa se a kopileng go pegiwa mo go sona ke sa dinokwane.
- Matsetseleko o nna ka lerago le lengwe gonne o lemoga gore go sengwe se se belaetsang ka bapagami ba sejanaga seo, mme o kopa go fologa ka a setse a dueletse loeto lwa gagwe.
- Mapodisi a leka go emisa sejanaga sa magodu mme bona ba oketsa lobelo, morago go simolola thuntshano gareng ga mapodisi le magodu.
- Sejanaga sa magodu se tswa mo taolong, se thula thaba, sa sugakana. Mapodisi a fitlhela Matsetseleko a idibetse mme dinokwane tse pedi tsona di tlhokafetse.
- Matsetseleko o latlhelwa kwa ntlwanalefitshwaneng ya Donkermag ka a fitlhetswe mo sejanageng le magodu.
- Segonyamatlho o dumela fa Matsetseleko a se molato gonne a mo itse botoka. O romela molaetsa wa se se tlhagetseng Matsetseleko kwa Phiritshweu.
- Ka letsatsi la tsheko batho ba le bantsi ba tla go ema Bra Boots le Matsetseleko nokeng. Bra Boots o paka fa a bone dinokwane tse di mo tlhasetseng, le gore Matsetseleko ena ga se mongwe wa bona.
- Matsetseleko o a gololwa ka a sa bonwe molato. Go rena boitumelo jo bogolo mo baemanokeng ba ga Matsetseleko, bogolo jang mmaagwe yo a itumeletseng go bona morwae gape.

#### Tlotlofoko ya Kgaolo ya 10

1. Go ntsha se se leng mo mafatlheng-go bua tseo di go tshwenyang.
2. Go nna ka lerago le le lengwe - go sa nnisege.
3. Go ema noken-go tshegetsatsa.



# TIRWANA YA 10

Buisa nopolo e e latelang, mme o arabe dipotso.

Matsetseleko o ne a isiwa kwa kgolegolong e e neng e bidiwa Donkermag, ka fa ntle ga torotswana ya Morolahutshe. O ne a nna mo tlhokomelong ya mapodisi le ngaka ya malwetse otlhe koo. Lepodisi lengwe le le neng le bidiwa Setsokotsane, le le bogale, e bile le itsege thata ka botlhale jo bo tseneletseng le dipatlisiso, le ne le mo tlhoma dipotso letsatsi le letsatsi. Matsetseleko o ne a leka ka gotlhe go di araba le go bontsha monna yoo fa a se molato le e seng. Setsokotsane o ne a kgarakgatsha Matsetseleko ka dinako tsotlhe

## DIPOTSO TSA TIRWANA YA 10

1	Matsetseleko o ne a tshwaretsewe eng?	(2)
2	Go tlhagelela ga ga Matsetseleko kwa kgotlhatshekelo go diragetse morago ga tiragalo efe?	(2)
3	Difaele tsa ga Matsetseleko di fitlhile jang mo sejanageng sa ga Tlhapedi ka letsatsi la kotsi?	(2)
4	Bra Boots o ne a nna le seabe sefe mo go gololweng ga ga Matsetseleko?	(2)
5	Tshegetso ya ga Segonyamatlho mo go Matsetseleko ga e maotomakhutshwane. Tshegetsa tlhagiso e, ka dintlha di le pedi	(4)
		[12]

## TSHOBOKANYO YA KGAOLO YA 11

- Matsetseleko o boela gae kwa Phiritshweu, mmaagwe o itumelela seo, o mo tseela kwa mabitleng go etela phupu ya ga rraagwe. Kelogile o mo rotloetsa go bua sengwe le sengwe se se leng mo pelong ya gagwe.
- Matsetseleko o gopola mokgwa o rraagwe a mo godisitseng ka ona, o bolelela mmaagwe ka mmutlwa o o sa bolong go mo tlhaba mme mmaagwe a sa mo thuse go o tlhomola.
- Matsetseleko o etela Kgosi Kgololo go ya go mo itsise gore o boetse gae. O tswela go mo lotlegela ka kgatelopele ya gagwe mo dithutong le diporojeke tse a di rulaganyang go tswa kwa moepong, go tlisa ditlhabololo mo motseng.
- Kgosi Kgololo o neela Matsetseleko bosupi jwa maano a puso a go tlisa ditlhabololo mo motseng.

- Tsala ya ga Matsetseleko e bong Kukama, le ena o leboga tiro kwa meepong, o ya kwa Phiritshweu go ya go thusana le Matsetseleko ka diporojeke tsa ditlhabololo mo motseng.
- Meepo e ntsha kabo ya dimilione di le lesome, go ya ka kopo e e dirilweng ke Matsetseleko ya go tseletsa diporojeke tsa Phiritshweu pele. Matsetseleko le Kukama ba tshwaraganela kgetse eno ya tsie, go thapiwa badiri, mogoma o tsena mo temeng. Morafe o itumelela ditlhabololo.
- Go nna le meletlo ya manyalo, Kukama o nyala Mmathapelo fa Matsetseleko a nyala Palesa.
- Matsetseleko le Kukama ka bobedi ba fiwa ditsha kwa Phiritshweu. Matsetseleko o aga gaufi le kwa bogosing gonne a nyetse morwadia kgosi. Matsetseleko le Palesa ba segofadiwa ka mawelana a basimane, Maphakela le Bokamoso.
- Matsetseleko o tlhomiwa go nna rratoropo wa kgaolo ya Tswaing. Kgosi Kgololo o rola marapo a bogosi mme o a neela Matsetseleko ka a ne a se na morwa.
- Kgolagano magareng ga Matsetseleko le Segonyamatlho ga e a khutla le fa Matsetseleko e le kgosi.

#### Tlotlofoko ya Kgaolo ya 11

1. Phuphu – lefelo le moswi a robatswang teng.
2. Go leboga tiro – go tlogela tiro ka bowena.
3. Mawelana – bana ba motho ba ba belegweng ka nako e le nngwe.
4. Go rola marapo – go tlogela maikarabelo a o ntseng o a neilwe.



# TIRWANA YA 11

Buisa nopollo e e latelang, mme o arabe dipotso.

“Mma, ke ne ka tlhabiwa ke mmutlwa mo lonaong ka nako e rre a neng a nkgarakgatsha ka yona. Ke ne ka go kopa gore o ntlhomole, mme wa ntshega lonao. Selo se se dirileng gore ke tshabe fa gae fa, ke ka ntlha ya fa lonao lwa me lo ne lo le makgasa e bile le tshologa madi, ka jalo, ke ne ka tshaba e le go batla motlhomodi le go fodisa lonao lwa me. Ke ne ka tshepa thata gore ke wena o ka ntlhomolang mmutlwa mme rre o ne a go kgoreletsa gore o ntlhomole. Seo ke sona se se neng sa dira gore o relele mme o ntshege lonao. Ka jaanong rre e le yo, a robetse fa, ga ke bone go le mongwe yo o ka go kgoreletsang gore o ntlhomole mmutlwa le go nthoba letsadi le ke sa bolong go tsamaya ka lona.”

## DIPOTSO TSA TIRWANA YA 11

DIPOTSO TSA TIRWANA YA 11		
1	Matsetseleko o bua le mang ba le kwa kae?	(2)
2	Neela dintlha di le tharo tse di bontshang gore Matsetseleko o ne a tlhabilwe ke mmutlwa, o a neng a tlhoka go o tlhomolwa?	(6)
3	Tlhagisa lebaka le le neng le dira gore mmaagwe a se kgone go mo tlhomola mmutlwa?	(2)
4	A o dumelana le Matsetseleko gore o tsamaile sebaka go se ope yo o ka mo tlhomolang mmutlwa?	(2)
5	Go ya ka wena a go ne go le matshwanedi gore kgosi a neele Matsetseleko bogosi?	(2)
6	Dithuto tsa kwa meepong di ne tsa ungwela Matsetseleko jang kwa Phiritshweu?	(2)
		[16]

## **DIKAO TSA DIPOTSO TSA TLHAMO**

Sekaseka dipotso tsa ditlhamo tse di latelang mme o leke go di araba go bona fa o tlhaloganya.

### **Sekao sa 1**

Kgori e ne e le mmusaesi e bile a le pelotshetlha, a sa lemoge gore bobusaesi le bopelotshetlha kwa bofelong ga di busetse sepe e bile di roba mokwatla. O ikaegile ka ditiragalo tsa padi e e mo isong, kwala tlhamo ya boleele jwa mafoko a a kana ka 400 – 450 go netefatsa tlhagiso e. (25)


### **Sekao sa 2**

Setso le segompiano di itshupa mo pading e, e se diyathoteng di bapile. Setlela tlhagiso e ka ditiragalo go tswa mo pading ka go kwala tlhamo ya mafoko a a kana ka 400 – 450. (25)

### **Sekao sa 3**

Matsetseleko ke mosekaphofu ya gaabo, ga a tshabe go swa lentswe. Rraagwe o ne a le kgatlhanong le gore a tswelletse dithuto tsa gagwe, a tseye tiro ya bogatsamolelo mme seo ga sa mo kgoreletsa go fitlhelela maikaelelo a gagwe mo botshelong. Tshegetsisa tlhagiso e ka go kwala tlhamo ya boleele jwa mafoko a a kana ka 400 – 450.

**DIKAEDI TSA GO TSHWAYA DIPOTSO TSE DIKHUTSHWANE**



**KAEDI YA GO TSHWAYA TIRWANA YA 1**

1	Ke ngwana wa Kgori le Kelogile, kgaitsadie a Matsetseleko.	(2)
2	Sebogodi Tlhapedi	(1)
3	Kelogile o ne a romile Bonolo go ya go bitsa Bra Boots	(2)
4	Kwa go Kelogile	(1)
5	Matsetseleko o ne a ngweegile kwa gae.	(2)
6	<p>a. Kgotlhang gareng ga batho - Kgori o gapeletsa Matsetseleko morwae go tsaya tiro ya gagwe ya bogotsamolelo mme Matsetseleko ga a batle</p> <p>b. Kgotlhang ya loago/setso/tikologo - Kgori le Kelogile ga ba dumelane ka gore Matsetseleko a batlwe ke bomang.</p> <p>c. Kgotlhang ya semowa – Kelogile jaaka mosadi wa setso o tshaba go arabisana le monna wa gagwe le fa a tsere tshwetso e e farologaneng le ya monna wa gagwe.</p> <p>(Dintlha di le pedi fela)</p>	(4)
7	Setso kgatlhanong le Segompieno.	(2)
8	<p>a. O montle</p> <p>b. Sefatlhego se se borethe</p> <p>c. Sefatlhego se tlhpile ka monyenyo o o sa feleng</p> <p>d. Meno a maswaana</p> <p>e. Moriri o tlhakantse bontsho le bosweu</p>	(4)
9	O fetsa mogopolo ka gangwe – o ile a bona go le botoka go inaya naga go na le go patikwa.	(2)
10	Nnyaya ga le maleba ka a thusitse Matsetseleko ka go mo pega go ya Kgaladi.	(2)
11	<p>a. Ee, Motsadi o itse se se siametseng bana ba gagwe.</p> <p>b. Nnyaya, bana botlhe ba na le ditoro le dilo tse ba ratang go di dira.</p> <p>(Dikarabo tsa batlhatlhojwa tse di nepagetseng di elwe tlhoko)</p>	(2)
		[25]








## KAEDI YA GO TSHWAYA TIRWANA YA 2

1	Rebawetse General Dealer	(1)
2	Morongwa le Segonyamtlho ga ba bolo go fetelwa ke bana mme ba bona mawelana e bong Remofilwe le Rebafilwe.	(2)
3	Ke kalatšhane	(1)
4	A kutlobotlhoko ka fa letsatsi le phirima mme a le kgakala le legae. Kgotsa Ka a gakologelwa gore mmaagwe o tlaa kgarakgatshega. Kgotsa ka fa a nyetse didiba / a sentse ka go sa laele kwa gae.	(2)
5	Ke ne ke tlaa utlwa botlhoko gonne ke sa itse felo le ke mo go lona/ Ke ne ke tlaa utlwa botlhoko ka ke ikotlhaela go ngweega kwa gae kgotsa Ke ne ke ka itumelela go katoga mosi o o neng o mphatlha (Dikarabo tsa batlhatlhojwa tse di nepagetseng di elwe tlhoko)	(2)
6	O tswelletsa botlhoko jwa go ngweega kwa gae ka a sutisa Matsetseleko mo Phiritshweu a mo isa kwa Kgaladi.	(2)
7	Ee ka se, se ne sa tsala kutlobotlhoko mo go ena.	(2)
8	Ee o kgona go tlhagisa maikutlo a moanelwa ka mokgwa o mmuisi a boneng setshwantsho kgotsa go tlhaloganya maikutlo a baanelwa.	(2)
9	<ol style="list-style-type: none"> <li>Dikhularo tsa gagwe di ne di le dikalo</li> <li>O lebega jaaka motho wa mmopa</li> <li>Sefatlhego se sologile sentle, se le se setlhana.</li> <li>Monna wa dimpa tse dikgolo bobbe</li> </ol>	(4 )
10	Ke kwa Segonyamatlho a folositseng Matsetseleko teng fa a ne a ya go batla tiro kwa meepong.	(2)
11.	<ul style="list-style-type: none"> <li>O siame – o ne a amogela Matsetseleko mo ga gagwe le go mo naya marobalo.</li> <li>O tshegetso – O ne a neela Matsetseleko dithuso le go mo tshegetsa ka nako ya kgotlatshekelo.</li> </ul>	(2)
12	Ee. O tswelletsa ditiragalo tsa padi ka go letla Matsetseleko go nna kwa ga gwe.	(2)
		[25]



### KAEDI YA GO TSHWAYA TIRWANA YA 3

	1	Ke ngwana wa ga Kgololo Kgosi ya kwa Phiritshweu?	(2)
	2	Ke baratani	(1)
	3	La go ya kwa Kgaladi	(1)
	4	O kaya gore go ne go sa itsiwe felo a go ileng.	(2)
	5	Go ikutlwa e kete ga o na sepesepe.	(2)
	6	Ke a kutlobothoko/ tshwenyego ka mokapelo wa gagwe a tsamaile a sa mo laela  (Dikarabo tsa batlhatlhojwa tse di nepagetseng di elwe tlhoko)	(2)
	7	Ke Mmathapelo tsala ya ga Palesa	(1)
 <b>Tlhokomela se!</b>	8	Palesa o tsaletswe kwa bogosing e le ngwana a le esi wa ga Kgosi Kgololo le Masedi mme Matsetseleko ke ngwana wa ga Kelogile le Kgori mogotsamolelo kwa kgosing.	(2)
 Tshobotsi ke ditebego tsa motho!	9	a. O ne a se na ditebego bogolo jang mo sefatlhegong b. Sefatlhego sa gagwe se tsutsubane c. Ditedu di le matoditodi d. Nko e le sephara e le totoma jaaka ya kamela e. Matlho a le diroto a phatshima jaaka a segwagwa f. Meno a latlhile mmala ka ntlha ya motsoko g. Tlhogo e phatshima ka nako tsothle (Dintlha di le nne fela)	(4 )
	10	Bra Boots ke rraagwe Mmathapelo kgotsa Mmathapelo ke ngwana wa ga Bra Boots	(2)
	11.	O ne a ise a bone Matsetseleko.	(2)
	12	O ne a boela morago kwa go Kelogile go kopa setshwantsho sa mosimane.	(2)
			[25]



## KAEDI YA GO TSHWAYA TIRWANA YA 4

1	Bra Boots	
2	Gore ga go kitla go nna bonolo mo go Bra Boots go lemoga Matsetseleko kgotsa bo dira gore morero o tsewele pele ka Bra Boots a tlaa tsewela ka patlo ya gagwe.	
3	Kgaladi	
4	Go tsewetsa morero wa padi ka go dira gore Bra Boots a se lemoge fa e le Matsetseleko yo o mmatlang.	
5	Di ka bo di phuthame ka Bra Boots a ne a ka mo tshwara kgotsa di ka bo di tsere letlhakore le lengwe.	
6	A letshogo ka a lemoga fa a batliwa kwa gae.	
7	Ba lerato le go nna le tshepo mo bathong gone ba amogela Matsetseleko ka lerato mo ntlong ya bona.	
8	E ne e le jo bo kitlaneng ka ba ne ba sa tshwarelane diphiri.	
9	a. Ba ne ba le pelontle	Ba ne ba neela Matsetseleko marobalo le go mo tshegetsa mo botshelong.
	b. Ba ne ba ikanyega	Ditsholofetso tsa bona mo go Matsetseleko di ne di sa fetoge.
	c. Ba kemonokeng	Ba ne ba ema Matsetseleko nokeng le fa a ne a le kwa kgolegelong
	d. Ba na le tshepo	Ba ne ba neela Matsetseleko koloi ya bona go e dirisa.
10	a. Matlho a ne a tlhpile a le maswaana	
	b. Fa godimo ga molomo o ne a setse a dule moritshana o o boleta, go iponatsa fa ditetswana di ne di budusetsa.	
11.	O ne a bone tshedimosetso ka ga Matsetseleko kwa meepong.	
12	O ne a ya go batla setshwantsho sa ga Matsetseleko kwa go Kelogile.	
		[25]



## KAEDI YA GO TSHWAYA TIRWANA YA 5

1	Go bona mo thelebišeneng gore sekolo sa bo Palesa se tla dikgaisanong kwa Dikhudung.	(2)
2	Motsešetoropo wa Dikhudung o ne o le monnye go se kae mo go Kgaladi.	(2)
3	Sekolo se segolo sa Obakeng.	(1)
4	Go tliša kopano ya ga Matsetseleko le Palesa kgotsa go tšweletsa morero pele gore kwa Phiritshweu ba utlwile ka go bonwa ga Matsetseleko	(2)
5	Bra Boots a ka bo a mo tšhwere mme a mmusetša Phiritshweu kgotsa ditiragalo di ka bo di phuthame.	(2)
6	a. Go boela gae mme a itebaganye le Kgosi go mmolelela gore o batla go nyala Palesa b. Go direla morafe wa gaabo tse dintle fela.	(4)
7	Kgosi Kgololo ne a rata tšhabologo e le kgosi ya segompiano, fa banna ba lekgotla e ne e le ba maloba ba sa batle go utlwa sepe ka diphetogo	(4)
8	a. Botlhe ba katogile monyo/ ba baleele b. Botlhe ba bantle c. Palesa o moswaana fa Mmathapelo a le mofitšwana d. Palesa o na le nko e kgolokwane e tšhwanelana le sefatlhego fa nko ya ga Mmathapee ne e le lenono. (Dikarabo tse di nepagetseng tša batlhatlhojwa di elwe tlhoko)	(4)
9	Nnyaya Matsetseleko ga a ka a mo kgwa ka tšhaa le fa e le go mo neela motlhala wa kwa a neng a nna gona.	(2 )
10	Gore ke ditsala tota kgotsa ba ne ba tshepana.	(2)
11.	Di tlišitse tšholofelo ya gore a ka bonwa. Di dirile gore letšholo la go mmatla le se khutle.	(2)
		[25]



## KAEDI YA GO TSHWAYA TIRWANA YA 6

1	Ke kgosi Kgololo e bong rraagwe le Masedi e bong mmaagwe.	(2)
2	O ne a itumetse thata go bona Matsetseleko	(2)
3	O tsebentlha go reetsa Morwadie a mmolelela ka Matsetseleko le bogwenegwene jo bo dirwang ke banna ba lekgotla O tshepo – O bua le rraagwe ka Matsetseleko le go mmolelela ka banna ba lekgotla	(4)
4	Gore Matsetseleko o batla go boela gae mme o tshaba rraagwe le banna ba lekgotla.	(2)
5	Kwa meepong ya matikiri gonne go na le diphetogo tse di tlhagelelang mo botshelong jwa gagwe.	(2)
6	Boitumelo ka le segonyamatlho a ne a gakgamaletse go mmona lwa ntlha a itumetse jalo.	(2)
7	Kgori o ne a ikotlhaela se a se dirileng ka morwae..	(2)
8	a. O ne a dira ka botswapelo fa a ne a direla Segonyamatlho. b. O ne a dira ka natla le go tsenela dithuto tsa motlakase	(4 )
9	Lekau le le neng le tswa kwa Matile le dira le Matsetseleko	(1)
10	a. Kukama o ne a rata maele b. Tlhotlheletso le dikakanyo tse di neng di edile tsa ga Matsetseleko	(2)
11.	a. Kgalefo e rraagwe Matsetseleko a sa nnang le yona mo go morwae b. Letshogo la ga Matsetseleko mo go rraagwe	(2)
12		[25]



### KAEDI YA GO TSHWAYA TIRWANA YA 7

1	Ba lefapha la dipusoselegae le matlo.	(1)
2	a. Mafaratlhatlha a motlakase le tlhaeletsano b. Dipompo tsa metsi a a phepa c. Tlhabololo ya metsi	(3)
3	Ke gore bogosi jwa bona bo tlaa tla bo tsewa.	(2)
4	Dithuto tsa sepodisi kwa Kapa Bophirima	(2)
5	Loso lwa ga Kgori rraagwe Matsetseleko	(2)
		[10]



### KAEDI YA GO TSHWAYA TIRWANA YA 8

1	Motlhatheledi kwa Yunibesithi ya Tlokweng	(2)
2	Kgosi le mmaKgosi ba ne ba tshwanetse go tsenela kopano ya dikgosi kwa Tswaing.	(2)
3	Matsetseleko ke senatla mo tirong fa Baagileng a ne a se matlhagathaga mo tirong ya gagwe.	(2)
4	Ga a tshepagale – gone o ne a se ka a bolelela Mmathapelo gore o ya Tshwane le gore o romilwe go ya moletlong wa ga Palesa	(2)
5	Ke baratani	(2)
6	Ee, bothobokae ke potso e e bontshang fa go tlhokagala mekgwa e e siameng.	(2)
		[12]



### KAEDI YA GO TSHWAYA TIRWANA YA 9

1	Baanelwa ba ba tlhagiswang ba kwa Kopadilelo City Lodge	(2)
2	Mmathapelo le Matsetseleko	(2)
3	O ne a fitlhela Baagileng le Palesa ba tlamparelane mo phaposing.	(2)
4	Ke ne ke tlaa ba tlogela/ ke ne ke tlaa lwana le bona. (Dikarabo tsa batlhatlhojwa tse di nepagetseng di elwe tlhoko)	(2)
5	Ee, ka e le ngaka ya kgatelelo ya tlhaloganyo le bothata jwa botshelo ka kakaretso.	(2)
6	a. Menomasweu polaya e tshega. b. Masaikategang a magodimo a na le beng. c. Fa badimo ba sa rate dinkgo di a wa.	(2)
		[12]




### KAEDI YA GO TSHWAYA TIRWANA YA 10

1	Matsetseleko o ne a tshwaretswe go fitlhelwa mo sejanageng le dinokwane.	(2)
2	Morago ga gore Matsetseleko a gololwe kwa bookelong.	(2)
3	Dinokwane ke tsona di subileng difaele mo koloing ya ga Tlhapedi.	(2)
4	O ne a tlhagisetsa kgotlha bopaki ba gore Matsetseleko o ne a le kwa tirong.	(2)
6	a. O ne a mo neela tshegetso kwa kgotlhatshkelo. b. A ba direla moletlo wa boitumelo, ena le boKelogile.	(4)
		[12]




### KAEDI YA GO TSHWAYA TIRWANA YA 11

	1	O bua le Kelogile ba le kwa mabitleng a Phiritshweu	(2)
	2	<p>a. Kgori o ne a batla go mo pateletsa go tswelletsa tiro ya gagwe ya bogotsamolelo.</p> <p>b. Kgori o ne a tlhola a mo tshosetsa gore o tlaa mo ntsha kwa sekolong fa a sa obamele taelo ya gagwe.</p> <p>c. Rraagwe o ne a ikaeletse go mo isa kwa kgosing go kgwathisiwa ka a ganne go diragatsa taelo ya gagwe e bile a mo ntshitse motho yo o maaka fa pele ga kgosi.</p> <p>d. O tlhokile lerato la batsadi ba gagwe.</p> <p>(Di le tharo fela)</p>	(6)
	3	E ne e le mosadi wa setso, a lailwe gore monna ga a bodiwe dipotso le go arabisiwa.	(2)
 <b>Tlhokomela se!</b>	4	Ee, gonne o ne a tshwanetse go o tlhomolwa ke mmaagwe.	(2)
	5	Ee, gonne o ne a nyetse Palesa morwadia kgosi mme e se wa kgosing. Nnyaya, gonne e ne e se wa madi a segosi.	(2)
	6	E ne e le moeteledipele wa diporojeke kwa Phiritshweu.	(2)
			[12]





Mmapa wa dikakanyo




- Kgori o ne a rata tiro ya gagwe ya go nna mogotsamolelo kwa kgotleng ya kgosi, mo motseng wa Phiritshweu. O ne a e dira ka boineelo mme a eletsa gore Matsetseleko, morwae, e nne ena a e tswelletsang ka a ne a ikaeletse go rola tiro.
- Matsetseleko o ne a weditse mophato wa gagwe wa marematlou. O nna kgatthanong le mogopolo wa ga rraagwe ka a ne a batla go tswelletsa dithuto tsa gagwe pele.
- Kgori o senola bobusaesi kgotsa botlhogo e thata jwa gagwe ka gone o ne a sa batle go tlhaloganya mabaka a ga Matsetseleko a go gana go nna mogotsamolelo, a mina ka nko e le nngwe gore Matsetseleko a rata kgotsa a sa rate, o tlile go tswelletsa tiro ya gagwe ya go nna mogotsamolemo.
- Matsetseleko o tsaya tshwetso ya go ngweega fa gaabo, go ya go batla tiro kwa meepong e e bapileng le motse wa Kgaladi gore a tle a kgone go tswelletsa dithuto tsa gagwe.

- Tshwetso e, e ne ya tsenya mmaagwe, Kelogile, tsebetsebe. O ema ka dinao go batlana le morwae fa rraagwe ena a ne a sa bontshe go tshwenyega. Kelogile o ile a kopa thuso ya sepodisi go mo thusa go batlana le Matsetseleko.
- Matsetseleko o ne a tle a nne le kakanyo ya go boela morago kwa gaabo mme fa a gopola bosetlhogo jwa ga rraagwe le jwa banna ba lekgotla, o ne a latlha mogopolo oo.
- Ke ka ntlha ya bosetlhogo jwa ga Kgori gore Matsetseleko a iphitlbele a nna le batho ba a sa ba itseng, kwa ga Segonyamatlho. O supa fa a itumelela go nna le ba ga Segonyamatlho ka ba ne ba mo neela lerato, kemonokeng le thotloetso tseo batsadi ba gagwe ba reteletsweng ke go di mo neela.
- Matsetseleko o bontsha a sa phuthologa mo botshelong ka ntlha ya bopelotshetlha, bobusaesi le bosetlhogo tse rraagwe a mmontshitseng tsona. O retelelwa ke go bolelela mokapelo wa gagwe, Palesa kwa a nna teng ka a sa batle багаabo ba itse kwa a leng teng.
- Matsetseleko o bona go le botoka go neela Bra Boots tshedimosetso e e fosagetseng ka ga gagwe ka a sa batle go boela kwa gaabo ka ntlha ya fa ba sa mo thuse ka sepe mo botshelong.
- Kopano e kgosi a nnileng le yona le ba ga Kebapetse e ile ya roba Kgori mokwatla ka a ile a simolola go ikwatlhaela mokgwa o a neng a tshwere morwae ka ona. O ipona phoso gore ke ena a mo tshabisitseng fa gae. O lemoga fa a tlaa lelela kgama le mogogorwana ka balekane ba ga Matsetseleko ba tshela monate le batsadi ba bona fa gae fa wa gagwe ngwana ena a ile le naga.
- Kgori o pelotshetlha. O ne a le mo setlhopheng sa banna ba ba neng ba le kgatthanong le ditlhabologo tse puso e neng e di tlisa mo motseng wa bona. Ena le setlhopha sa gagwe ba ne ba inaganela ba le bosi le mororo ba itse gore mo Phiritshweu ditlhabologo tse di a tlhokega ka gonne motse wa bona ga o na metsi, motlhakase, kholetšhe ya thuto, megala le ditsela, jalo le jalo.
- Bobusaesi le bopelotshetlha tsa gagwe ga di a mo ungwela sepe ka gonne kwa bofelong o ikela boyabatho ka lefuto mo pelong. Ga a ise a itshwarele Matsetseleko yo ka nako ya loso lo a ne a tswelletse mo tirong ya gagwe kwa moepong.



## KAEDI YA GO TSHWAYA DITLHAMO SEKAO SA 2

### Mmapa wa dikakanyo




- Kgori, rraagwe Matsetseleko, o ne a dumela mo setsong. O ne a rata tiro ya bogotsamolelo kwa kgotleng ya kgosi. A dumela gore ke tiro e e tlotlegang, a e tsaya e le maemo ka a e neetsweng ke badimo. Matsetseleko o ne a sa dumele mo setsong, o tsenwe ke sešwa, o bona fa rraagwe a ka se mo tlohpele tiro le go mo gapeletsa go tsaya tiro ya gagwe ya bogotsa molelo. Ena o batla go ya go batla tiro kwa Babelegi gore a kokoanye madi a go tswelletsa dithuto tsa gagwe.
- Kgori ga a bone mosola wa thuto e bile o bua fa a sa tshosiwe ke go nna le materiki ga ga Matsetseleko. Jaaka banna ba malobeng o ne a sa batle go utlwa sepe ka diphetogo.

- Setso se pateletsa bana go ikokobeletsa batsadi le go se ba arabise. Ke ka moo Kgori a neng a sa tlhaloganye fa Matsetseleko a tlhagisa ntlhakemo ya gagwe.
- Kgori o ne a setse a begetse Kgosi Kgololo fa Matsetseleko a tlaa tsaya mo ena a tlaa tlogelang teng, ka ntlha ya bogodi, ka jalo kgotlhang e e tlaa mo tsenya matlho.
- Kelogile e ne e le mosadi wa setso, yo o neng a dumela gore monna ga a bodiwe dipotso e bile ga a arabisiwe. Le fa go le jalo re bona a ema ka la gagwe fa Kgori a batla letsholo la Makanyane a kgosing gore ba batlane le Matsetseleko fa Kelogile a dirisa sešwa a batla thuso ya mapodisi.
- Kelogile jaaka mosadi yo o lailweng go ya ka setso, fa a se na go utlwa ka go bonagala ga Matsetseleko kwa Dikhudung, ka boikobo o akgela tsoitlhe mo magetleng a monna wa gagwe. Go bontsha fa Kgori e le tlhogo ya lelapa, ga a thuse Kelogile mo ntlheng e, o tswelela ka go tsupula molomo.
- Matsetseleko ka e le motho wa sešwa, o bona go le botoka go sa ise bothata jo a nang le bona kwa kgosing mme o a ngweega. Palesa le ena go bontsha sešwa, o lokologa go buisana le rraagwe ka Matsetseleko le ka bogwenegwene jwa banna ba lekgotla.
- Tumelo mo sešweng e bonagala ka lerato la bona le le sa tlhotlhelediwig ke batsadi jaaka go dirwa mo setsong.
- Tsamaiso ya bogosi jwa kwa Phiritshweu e bontsha thulano magareng ga segologolo le sešwa. Morongwa wa kgosing, Tshetlho o rongwa mekgaphe ya bogosi jaaka go biletsa batho kopano. Kgosi o fetola lewa fa a roma Baagileng yo a se nang kamano epe le ena, go mo emela kwa dikgaisanong tsa boPalesa. O tlhoma Matsetseleko go nna kgosi ya kwa Phiritshweu le fa a se na madi a segosi.
- Le fa Kgosi Kgololo e le kgosi ya setso, o rata ditlhabololo tse di tliswang ke sešwa. Banna ba lekgotla bona ka go tlhoka ponelopele, ba gana go tlisiwa ditlhabololo mo Phiritshweu ka ba gopola gore di tla go ba amoga dithata le go ba tseela naga ya bona.
- Phiritshweu ke motse wa setso o bana ba tshwanetseng go bontsha tlotlo, banna ba lekgotla ba ne ba gagamadiitse molao, ba athola ka patiko. Kwa Dikhudung bana ba feresela jaaka ba rata le go atlana ba sa iphitlhe.



Mmapa wa dikakanyo



- Maikaelelo a ga Matsetseleko e ne e le go batla tiro gore a tle a kgone go tswelletsa dithuto tsa gagwe.
- Kgori e leng rraagwe Matsetseleko o batla go mo pateletsa gore e nne mogotsamolelo wa kgotla. Ka se e se maikaelelo a gagwe, Matsetseleko o gana nnang ya banyana. O bona botoka e le go inaya naga.
- O leba kwa Kgaladi kwa a ileng a gorogela kwa lebenkeleng la ga Segonyamatlho, o fitlha a nna kwa ntle, ke moo a re bontshang gore mosekaphofu ya gaabo ga a tshabe go swa lentswe, o a ikana gore le fa a ka tlhoka bonno kwa gaabo gona ga a boele.
- Segonyamatlho o mo neela bonno le fa a sa mo itse. Matsetseleko o dira mo lebenkeleng la ga Segonyamatlho, o ne a ntse a na le phisego ya go batla tiro kwa meepong. Mosekaphofu!

- Matsetseleko o beta pelo mme o itshokela go dira le fa a sa bone tuelo epe, ka a gopola gore o nyetse didiba. Mmatla sa gagwe o tlaa se bona. Matlhagatlhaga a gagwe a dira gore mothapi wa gagwe a mo tshepe.
- Motlha o Bra Boots a neng a ya go mmatla kwa lebenkeleng, o supa botlhale jwa gagwe, o fetola leina la gagwe ka bonako, o gana a bo a latola mme o bua maaka gore motho yo o batliwang ke tsala ya gagwe e e kileng ya batla tiro mme e dirisa aterese eo.
- O bona lokwalo la go kgweetsa, o feleletsa a rekile sejanaga mo go Segonyamatlho.
- O bona tiro kwa moepong. Go dira ka natla ga gagwe go mmulela mejako ya go tsweletsa dithuto tsa gagwe tsa mafaratlhatlha a metlakase, jaaka a ne a eleditse.
- O dira kopo ya thuso ya matlole kwa moepong go tlisa diphetogo kwa Phiritshweu. Moepo o ne wa neela morafe diranta di le dimilione di le lesome, go tsweletsa tiro, o thusiwa ke Kukama.
- Morafe o itumelela gore Matsetseleko a bo a tlhomilwe go nna rratrope wa Tswaing gonne ba bonela pele ditlhabololo.
- Kgosi Kgololo o a mo tlotlomatsa, o itumelele diphitlhelelo tsa gagwe, o mo neela bogosi jwa Phiritshweu.
- O nyala morwadia kgosi, Palesa, mokapelo wa gagwe wa bosea.
- Pelotshweu boela mannong, gonne mmatla sa gagwe o se bone. Matsetseleko o eletsa gore rraagwe a ka bo a le gone go bona phitlhelelo eno.
- Ke nnete Matsetseleko ke mosekaphofu, ke monna wa lelapa, wa maemo, yo o rutegileng kwa Phiritshweu e e tllhabologileng. [25]

**KAROLO YA B LE C: RUBORIKI YA TLHATLHOBO YA DITLHAMO TSA DIKWALO: PADI LE TERAMA [25 MADUO]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<b>DITENG</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
<p>Thanolo ya setlhogo Ngangisano e e tseneletseng, katlholo le go tthaloganya setlhangwa</p> <p><b>15 MADUO</b></p>	<p>-Tsibogelo ka dinaledi: 14–15</p> <p>-Tsibogelo e e manontlhotlho: 12–13</p> <p>-Thanolo e e tseneletseng ya setlhogo</p> <p>-Motseletsele o o itumedisang wa dintlha tsa ngangisano, di tshegediwa ka botlalo go tswa mo dikwalong</p> <p>-Go tthaloganya mofutakwalo le setlhangwa go go manontlhotlho</p>	<p>-O bontsha go tthaloganya, gape o ranotse setlhogo sentle</p> <p>-Tsibogelo e e lekalekanang ya dintlha</p> <p>-Dintlha tse di utlwalang tsa ngangisano, fela ga se tsotlhe tse di tshegeditsweng jaaka go ne go tshwanetse</p> <p>-Go tthaloganya mofutakwalo le setlhangwa go a bonala</p>	<p>-Thanolo ya setlhogo e e mo magareng, ga se diponagalo tsotlhe tse di tthagisitsweng ka botlalo</p> <p>-Go na le dintlha dingwe tse dintle tse di tshegetsang setlhogo</p> <p>-Dintlha dingwe tsa dingangisano di tshegeditswe, mme fela bosupi ga bo dumelesege ka metlha</p> <p>-Tthalogantse bontlhabongwe jwa mofutakwalo le setlhangwa</p>	<p>-Thanolo e e tlaelang ya setlhogo, ga go na le diponagalo dipe tse di tthagisitsweng ka botlalo</p> <p>-Go dintlha di le mmalwa tse di tshegetsang setlhogo</p> <p>-Dintlha tsa ngangisano tse di maleba di dinnye thata</p> <p>-Go tthaloganya mofutakwalo le setlhangwa go gonnye thata</p>	<p>-Setlhogo ga se tthalogangwe</p> <p>-Maiteko a a boko a go araba potso</p> <p>-Dintlha tsa ngangisano ga di dumelesege</p> <p>-Morutwana ga a kgona go tthaloganya mofutakwalo kgotlamo setlhangwa</p>

<b>KAGEGO LE PUO</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
<p>Popego, kelelo e e tihaloganyegang le tlhagiso</p> <p>Puo, segalo le setaele tse di dirisitsweng mo tthamong</p> <p><b>10 MADUO</b></p>	<p>-Popego e e lomaganeng</p> <p>-Matseno le bokhutlo di manonthotlho</p> <p>-Dintlha tsa ngangisano di agegile sentle</p> <p>-Puo, segalo le setaele di supa kgolo, di a kgatlhisa, di nepagetse</p>	<p>-Kagego e e tlhamaletseng le kelelo e e utlwalang ya ngangisano</p> <p>-Matseno, bokhutlo le ditemana dingwe di rulagantswe sentle ka tomagano</p> <p>- Kelelo e e utlwalang ya ngangisano</p> <p>-Bogolo puo, segalo le setaele di nepagetse</p>	<p>-Go na le bosupi jwa kagego</p> <p>-E a tihaloganyega le go lomagana fela e na le diphoso</p> <p>-Diphoso di le mmalwa tsa puo, segalo le setaele tse di nepagetseng go le go ntsi</p> <p>-Bontsi jwa ditema di nepagetse</p>	<p>-Popego e supa thulaganyo e e fosagetseng</p> <p>-Dintlha tsa ngangisano ga di a rulaganngwa sentle</p> <p>-Diphoso tsa puo di a bonala</p> <p>-Segalo le setaele tse di seng maleba</p> <p>-Ditemana di fosagetse</p>	<p>-Go tlhokagala ga kagego go kgoreletsa kelelo ngangisano</p> <p>-Diphoso tsa puo setaele se se fosagetseng di tlhola setlhangwa se se sa atlegang</p> <p>-Segalo le setaele tse di seng maleb</p>
<b>SEELO SA MADUO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>



**The Mind the Gap study guide series**

This publication is not for sale.

© Copyright Department of Basic Education  
[www.education.gov.za](http://www.education.gov.za)

Call Centre 0800 202 993

Setswana Puo ya Gae (HL) Kaedi ya go lthuta Dikwalo ya Mind the Gap- Ntlhomole Mmutlwa-Poetry-  
**ISBN 978-1-4315-3389-3**



**basic education**

Department:  
Basic Education  
REPUBLIC OF SOUTH AFRICA